



07217

文獻通考卷第九十七

鄱陽馬端臨 貴

六精圖 書翰藏 著

而清 端 山 書

宗廟考七

祭祀時享

漢惠帝時叔孫通曰古者有春嘗果方今櫻桃熟可獻
遂獻宗廟諸果之獻由此興

孝景帝元年詔高廟耐張晏曰正月且作酒八月成名
耐耐之言純也至武帝時因

八月嘗耐會諸侯廟中出金助祭所謂耐金也師耐直救反秦武
古曰耐三重釀醇酒也故以薦宗廟耐直救反

德文始五行之舞孟康曰武德高祖所作也文始舜舞
也五行周舞也武德者其舞人執干

戚文始舞執羽籥五行舞冠冠孝惠廟耐奏文始五行之
麗衣服法五行色見禮樂志

文獻通考 卷九十七 宗廟 一

舞為孝文廟為昭德之舞

武帝元鼎五年九月列侯坐獻黃金耐祭宗廟不如法

奪爵者百六人如淳曰漢儀注諸侯王歲以戶口耐黃
金於漢廟皇帝臨受獻金全少少不如

斤兩色惡王
削縣侯免國

宣帝本始二年尊孝武廟為世宗廟奏盛德文始五行

之舞

漢時宗廟在郡國者六十八合百六十七所六十八者
郡國之數

百六十七者而京師自高祖至宣帝與太上皇悼皇考
宗廟之數

各自居陵旁立廟并為百七十六又園中各有寢便殿

日祭於寢月祭於廟時祭於便殿寢日四上食廟歲二

十五祠

如淳曰月祭朔望加臘爲二十五晉灼曰漢儀注宗廟一歲十二祠五月嘗麥六月七月三伏

立秋糶糞又嘗棗八月先夕饋餼皆一太牢耐祭用九太牢十月嘗稻又飲烝二太牢十一月嘗十二月臘二太牢又每月一太牢如閏加一祀與此便殿歲四祠又上十二爲二十五祠師古曰晉說是也

月一游衣冠而昭靈后武哀王昭哀后孝文太后孝昭

太后衛思后戾太子戾后各有寢園與諸帝合凡三十

所一歲祠上食二萬四千四百五十五用衛士四萬五

千一百二十九人祝宰樂人萬二千一百四十七人養

犧牲卒不在數中至元帝時貢禹奏言古者天子七廟

今孝惠孝景廟皆親盡宜毀又郡國廟不應古禮宜正

定天子是其議未及施行而禹卒永光四年乃下詔罷

文獻通考

卷七

宗廟

二

郡國廟

詳見宗廟門

既罷郡國廟議者又以爲清廟之詩言交神之禮無

不清靜今衣冠出游有車騎之衆風雨之氣非所謂

清靜也祭不欲數數則瀆瀆則不敬宜復古禮四時

祭於廟諸寢園日月開祀皆可勿復修上亦不改也

漢舊儀宗廟八月飲酎用九太牢皇帝侍祠寢廟

月一太牢四上食十二月一太牢饋食與閏月十三

嘗祠正月嘗雉又嘗羔六月嘗黍七月歲事八月嘗

酎特牛九月嘗鴈十月嘗稻十一月歲事又賽禱凡

正祠一歲二十二原廟一歲十二祠有閏加一祠

皆用太牢月游衣冠以廟饋事之日歲凡十二祠立
秋糶婁又嘗麻八月先夕饋殮皆一太牢皇帝會諸
侯酌金廟中以上計儀設九賓陪位他祠無有十月
嘗稻又飲烝二太牢十一月嘗文臧未詳十二月臘二
太牢十二月擊牛飲酌無飯故先夕饋殮文帝所加
以正月日作酒八月成名曰酌酒 園廟一歲四祠
皆太牢七月歲事十一月歲事臘以亥日初歲椒酒
凡四祠皆太牢凡一歲大祠五十二小祠千一百

八月酌車駕夕牲牛以繡衣之皇帝暮親牲以鑑遂
取水於月以火燧取火於日爲明水火左袒以水沃

文獻通考

卷之

宗廟

三

牛右肩手執鸞刀以切牛毛血薦之而卽更衣中侍
上熟行禮齋日四法食丈二尺拒按以陳三十六肉
六氣穀飯贊享一人秩六百石主贊天子太祝令主
薦酒太宰令主饌陳太常主導贊丞舉廟中非法八
月諸侯王酌金助祭以九太牢用豚八百枚鉶羹三
百雞鳧鴈魚皆千枚賜中都宮吏卒以下廟旁牛四
十頭助供樂用三千四百二十八人祠立九旗於庭
下功臣四十人食堂下西階南凡上堂上後房中婦
子祠用禾稷長八尺廣八寸深四寸凡八十一祭御
僕媵公祭於廟門外壘上用壺酒四脰骨藥西廂歌

秦海龜龍舞武德文始五行

永光四年御史大夫貢禹奏罷祖宗皇后位座獨祭皇帝而已

漢興叔孫通因秦樂人制宗廟樂太祝迎神於廟門奏

嘉至李奇曰嘉善也善神之至猶古降神之樂也皇帝入廟門奏永

至以為行步之節猶古采齊肆夏也乾豆上奏登歌乾豆

脯羞之屬獨上歌不以筦絃亂人聲欲在位者徧聞之猶古

清廟之歌也登歌再終下奏休成之樂服虔曰叔孫通所奏作也美

神明既享也皇帝就酒東廂坐定美禮已成也又有房

中祠樂高祖唐山夫人所作也高帝姬也姓唐山周有房中樂

文獻通考卷至宗廟四

至秦名曰壽人凡樂樂其所生禮不忘本高祖樂楚聲

故房中樂楚聲也至孝惠二年使樂府令夏侯寬備其

簫箏更名曰安世樂

安世房中歌十七章 大孝備矣一章八句 七始

華始一章八句 我定歷數一章八句 王侯秉德

一章七句 海內有姦一章八句 大海蕩蕩三章

六句 安其所一章八句 豐草萋萋一章八句 雷

震震一章十句 都荔遂芳一章十句 桂華一章

十句 美芳一章八句 嘉薦芳矣一章八句 皇

皇鴻明一章六句 浚則師德一章四句 孔容之

常一章八句 承帝明德一章八句

光武建武二年立高廟於洛陽四時禘祀高祖爲太祖文帝爲太宗武帝爲世宗如舊餘帝四時春以正月夏以四月秋以七月冬以十月及臘祠一歲中凡五祠十九年詔曰以宗廟處所未定且祫祭高廟其成哀平且祠祭長安故高廟其南陽春陵歲時各且因故園廟祭祀園廟去太守治所遠者在所令長行太守事侍祠於是洛陽高廟四時加祭孝宣孝元凡五帝其西廟成哀平三帝主四時祭於故高廟東廟京兆尹侍祠冠衣車服如太常祠陵廟之禮南頓君以上至節侯皆就園文獻通考

卷七

宗廟

五

廟在所郡縣侍祠

東漢制正月上丁祠南郊禮畢次北郊明堂高廟世祖廟謂之五供安帝卽位竇太后猶臨朝七年正月初入太廟齋七日庚戌謁宗廟率命婦羣妾常禮儀與皇帝交獻親薦成禮而還因下詔曰凡供薦新味多非其節或鬱養強熟或穿掘萌芽味無所至而夭折生長豈所以順時育物乎自今當奉祠陵廟及給御者皆須時乃上凡所省二十三種

本紀永初五年劉珍言皇太后宜入廟與陛下交獻事下公卿僉如

珍言六年正月皇太后親祭於宗廟與皇帝交獻大臣命婦相禮儀

靈帝時京都四時所祭高廟五主世祖廟七主成帝三

皇帝登歌一首 祠景皇帝登歌一首 祠文皇帝
登歌一首 祠廟享神歌二首

宋四時祭祀將祭必先夕牲皇帝散齋七日致齋三日
百官掌事者亦如之致齋之日御太極殿幄坐著絳紗
袍黑介幘通天金博山冠祠之日車駕出百官應齊從
駕畱守填先置者各依宣攝從事上水一刻皇帝著平
冕龍袞服升金根車到廟北門理禮謁者各引太樂令
太常光祿勳三公等皆入在位皇帝降車入廟脫烏盥
及洗爵訖升殿初獻奠爵樂奏太祝令跪讀祝文訖進
奠神座前皇帝還本位博士引太尉亞獻訖謁者又引
文獻通考 卷七 宗廟 七
光祿勳終獻皇帝不親祠則三公行事而太尉初獻太
常亞獻光祿勳終獻

齊武帝永明九年詔太廟四時之祭薦宜皇帝起麩餅
鴨臠孝皇后筍鴨卵高皇帝肉膾菹羹昭皇后茗糲炙
魚皆所嗜也先時帝夢太祖謂已宋氏諸帝常在太廟
從我求食可別爲吾致祠乃命豫章王妃庾氏四時祠
二帝二后於清溪故宅牲牢服章皆如家人禮

司馬氏曰昔屈到嗜芰屈建去之以爲不可以私
欲干國之典況子爲天子而以庶人之禮祭其父
違禮甚矣衛成公欲祀相甯武子猶非之而況降

祀祖考於私室使庶婦尸之乎

梁武帝制春祠夏禘秋嘗冬烝并臘一歲凡五謂之時祭

都令史王景之列自江左以郊廟祭祀帝已入齊百姓尚哭以爲乖禮何佟之等奏按禮國門在臯門外今之籬門是也今古殊制若禁凶服不得入籬門爲太遠宜以六門爲斷詔曰六門之內士庶甚多四時烝嘗俱斷其哭若有死者棺器須來旣許其大而不許其細也致齋日宜去廟二百步斷哭四年何佟之議按禮未祭一日大宗伯省牲饂祭日之晨君親牽

文獻通考

卷三

宗廟

八

牲麗碑後代有冒暗之防而人主猶必親奉故有夕牲之禮頃代人君不復躬牽相承丹陽尹牽牲於古無取宜依以未祭一日之暮太常省牲視饂祭日之晨使太尉牽牲出入也少牢饋食殺牲於廟門外今儀注詣廚烹牲謂宜依舊帝可其奏佟之又曰鄭元云天子諸侯之祭禮先有裸尸之事乃迎牲今儀注乃至薦熟畢太祝方執珪瓚裸地違謬若斯又近代人君不復躬行裸禮太尉旣攝位實宜親執其事而越使卑賤太祝甚乖舊典愚謂祭日之晨宜使太尉先行裸獻乃後迎牲帝曰裸尸本使神有所附今旣

無尸裸將安設終之曰如馬鄭之意裸雖獻尸而義在求神今雖無尸求神之義恐不可闕帝曰此本因尸以祀神今若無尸則宜立廣求之所禫義乃定終之曰祭統云獻之屬莫重於禫今既存尸卒食之獻則裸鬯之求實不可闕又送神更禫經記無文宜依禮革奏未報而終之卒後明山賓復申其理帝曰終之既不復存宜從其議也自是始使太尉代太祝行禫而又牽牲太常任昉又以未明九刻呈牲加又太尉禫酒三刻施饌間中五刻行儀不辦近者臨祭從事實以二更至未明三刻方辦明山賓議謂九刻已

文獻通考

卷七

宗廟

九

疑太早況二更非復祭且帝曰夜半子時卽是晨始宜取三更省牲餘依儀注又有司以爲三牲或離杙依制埋瘞豬羊死則不埋請議其制司馬娶等議以爲牲死則埋必在滌矣謂三特在滌死悉宜埋帝從之五年明山賓議罇葬之制祭圖唯有三罇一曰象罇周罇也二曰山柵夏罇也三曰著罇殷罇也徒有彝名竟無其器直酌象罇之酒以爲珪瓚之實竊彝禫重於獻不容共罇宜循彝器以備大典按禮器有六彝春祠夏禫禫用雞彝鳥彝王以珪瓚初禫后以璋瓚亞禫故春夏兩祭俱用三彝今古禮殊無復亞

禘止循其二春夏雞彝秋冬犂彝庶禮物備也帝曰雞是金禽亦主巽位但金火相伏用之通夏於義爲疑山賓曰臣愚管不奉明詔則終年乖舛按鳥彝是南方之物則主火位木生於火宜以鳥彝春夏兼用帝從之七年舍人周捨以爲禮玉輅以祀金輅以賓則祭日應乘玉輅詔下其議左丞孔休源議玉輅既有明文而儀注金輅當由宋齊乖謬宜依捨議帝從之

天監十六年詔曰夫神無常享享於克誠所以西鄰禘祭實受其福宗廟祭祀猶有牲牢無益至誠有累冥道

文獻通考

卷七

宗廟

十

自今四時烝嘗外可量代八座議以大脯代一元大武八座又奏旣停宰殺無復省牲之事請立省饌儀其衆官陪列竝同省牲帝從之十月詔曰今雖無復牲腥猶有脯脩之類卽之幽明義爲未盡可更詳定悉薦時蔬左丞司馬筠等參議大餅代大脯餘悉用蔬菜帝從之又舍人朱异議二廟祀相承止有一鉶羹蓋祭祀之禮應有兩羹相承止於一鉶卽禮爲乖請加熬油菹羹一鉶帝從之於是起至敬殿景陽臺立七廟座月中再設淨饌自是訖於臺城破諸廟遂不血食

陳制一歲五祠謂春夏秋冬臘也每祭共以太牢始祖

以三牲首餘唯骨體而已

後魏孝文皇帝太和六年十一月將親祀七廟有司依禮具儀於是羣官議曰昔有虞親虔祖考來格殷宗躬謁介福攸降大魏七廟之祭依先朝舊事多不親謁今陛下孝誠發中思親執祀稽合古義禮之常典臣等謹按舊章并採漢魏故事撰祭服冠履牲牢之具櫺洗簋簋俎豆之器百官助祭位次樂官節奏之引升降進退之法別集爲親拜之儀制可於是帝乃親祭其後四時常祀皆親之十六年詔曰夫四時享祀人子常道然祭薦之禮貴賤不同故有邑之君祭以首時無田之士薦文獻通考

卷七

宗廟

十一

以仲月況七廟之重而用中節者哉自頃烝嘗之禮頗違舊義今將仰遵遠式以此孟月特祔於太廟但朝典初改衆務殷湊無遑齊潔遂及於今又接神享祖必須擇日今禮律未宣有司或不知此可敕太常令剋日以聞 又詔罷寒食享

致堂胡氏曰四時之祀天子用孟月禮之正也若寒食其始既不出於先王其節或跨乎仲季非天子之所宜行也苟以爲祖宗常行有其舉之莫敢廢也蓋亦擇禮之中否而行之歟寒食之祀始於晉人思介之推之焚死爲之不以火食然則有天下

國家者以是日祀其祖考可謂不經之禮雖祖考行之而未暇革今而革之去非以從是何不可之有魏孝文斷然行之不膠者卓矣

北齊制春祠夏禱秋嘗冬烝皆以孟月凡四祭每祭室一太牢武成帝始以皇后亞獻河清中定令四時祭廟及元日廟庭竝設庭燎二所

後周之制其四時祭各於其廟亦以皇后亞獻其義與北齊同所異者皇后亞獻訖后又薦加豆之籩其實菱芡芹菹兔醢豕宰終獻訖皇后親徹豆降還版位然後太祝徹焉

文獻通考

卷七

宗廟

三

隋四時之祭各以太牢四時薦新於太廟有司行事而不出神主祔祫之禮竝準時享

唐四時各以孟月享太廟室各用一太牢若品物時新堪進御者有司先送太常令尙食相知簡釋務令潔淨仍以滋味與新物相宜者配之太常卿及少卿一人奉薦太廟卿及少卿有故卽差五品以上攝有司行事不出神主仲春薦水亦如之

元宗開元十五年敕享宗廟差左右丞相尙書嗣王郡王攝三公行事若人數不足通取諸司三品已上長官自餘祭享差諸司長官及五品以下清官二十三年

令今後有大祭宜差丞相特進少保少傅尙書賓客御
史大夫攝行 二十五年敕太廟每至五享之日應攝
三公令中書門下及丞相師傅尙書御史大夫嗣王郡
王中揀擇德望高者通攝餘司不在差限 二十七年
制宗廟致敬必先於如在神人所依無取於非族其應
太廟五享宜於宗子及嗣郡王中揀擇有德望者令攝
三公行事其異姓官更不須差攝 二十三年正月敕
文宗廟致享務在豐潔禮經沿革必本人情籩豆之薦
或未能備宜令禮官學士詳議具奏太常卿韋韜奏宗
廟之奠每座籩豆各加十二又酒爵制度全小僅無一
文獻通考

卷五

宗廟

三

合執持甚難請稍令廣大付尙書省集衆官詳議兵部
侍郎張均等議曰按舊制一升曰爵五升曰散禮器稱
宗廟之祭貴者獻以爵賤者獻以散此明貴小賤大示
之儉豈可捨先王之遺法徇一時之所尙廢棄禮經
以從流俗裂冠毀冕將安用之太子賓客崔沔議曰祭
禮之興肇於太古人所飲食必先嚴獻未有火化茹毛
飲血則有毛血之薦未有麴蘖汗罇杯飲則有元酒之
奠施及後王禮物漸備作爲酒醴伏其犧牲以致馨香
以極豐潔故有三牲八簋之盛五齊九獻之殷然以神
道至元可存而不能測也祭禮至敬可備而不可廢也

是以毛血腥爛元罇犧象靡不畢登於明薦矣然而薦貴於新味不尚褻雖則備物猶存節制故禮云天之所生地之所長苟可薦者莫不咸在備物之情也又曰三牲之俎八簋之實美物備矣昆蟲之異草木之實陰陽之物備矣此節制之文也鉶俎籩豆簠簋罇櫛實皆周人之時饌也其用通於醯享賓客而周公制禮咸與毛血元酒同薦於先晉中郎盧諶近古知禮者也著家祭禮皆晉時供食不復純用舊文然則當時飲食不可闕於祀祭明矣是變禮文而通其情也我國家由禮立訓

因時制範考圖史於前典稽周漢之舊儀清廟時享禮文獻通考

卷第

宗廟

十四

饌畢陳用周制也而古式存焉園寢上食時膳具設遵漢法也而珍味極焉職貢來祭致遠物也有新必薦順時令也苑囿之內躬稼所收蒐狩之時親發所中莫不割鮮擇美薦而後食盡誠敬也若此至矣復何加焉但當救祭祭如神在無或簡怠增助虔誠其進珍羞或時鮮美考諸祠典有所漏略皆詳釋名目編諸甲令因宜而薦以類相從則新鮮肥濃盡在是矣不必加於籩豆之數也至於祭器隨物所宜故太羹古食也盛於登登古器也和羹時饌也盛於鉶鉶時器也亦有古饌而盛於時器故毛血盛於盤元酒盛於罇未有薦時饌而追

用古器者古質而今文便於事也雖加籩豆十二未足以盡天下美物而措諸清廟有兼倍之名近於侈矣又據漢書藝文志墨家之流出於清廟是以貴儉由此觀之清廟之不尚於奢舊矣太常所請恐未可行又稱酒爵全小須加廣大竊據禮文有以小爲貴者獻以爵貴其小也小不及制敬而非禮是有司之失其傳也固可隨失釐正無待議而後革未知今制何所依準請兼詳古式據文而行止曰享祀實思豐潔不應法制者亦不可用於是更令太常加品味韋韜又請每室加籩豆各六每四時異品以當時新果及珍羞同薦制可之又酌文獻通考

卷之

宗廟

五

獻酒爵上令用藥汁一升合於古義而多少適中自是常依行焉 二十四年敕宗廟祭享籩豆宜加麇鹿鶉兔野雞等料夏秋供腊春冬供鮮仍令所司祭前十日具數申省準料令殿中供送 天寶三載詔頃四時有事於太廟兩京同日告享雖卜吉辰俱遵上日而義深如在禮或有乖自今以後兩京宜各別擇吉日告享 五載詔祭神如在傳諸古訓以多爲貴著自禮經臍骨之儀蓋昔賢之尚質甘旨之品亦孝子之盡誠旣切因心方資變禮其以後享太廟宜料外每室加常食一牙盤仍令所司務盡豐潔

貞元九年太常博士韋彤裴堪等議曰謹按禮經前代故事宗廟無朔望祭食之儀園寢則有朔望上食之禮國家自貞觀至開元修定禮令皆遵舊典至天寶十一載三月初別令尚食朔望進食於太廟自太廟已下每室奠享其進奠之禮內宮主之在臣禮司竝無著令或云當時祀官王璵不本禮意妄推緣生之義請用宴私之饌此則可薦於寢宮而不可瀆於太廟一時之制久未變更至今論禮者貶王璵之議伏奉今月八日進止其朔望進食令宗正與太常計會辦集者謹按禮祭統云夫祭者非外至者也自中

文獻通考

卷七

宗廟

六

出生於心也怵而奉之以禮由是牲牢有定制籩豆有定數罄天生地長之物極昆蟲草木之異可薦者莫不咸在先王以此享宗廟交神明全孝敬也若生之食飲膳羞八珍百品可嗜之饌隨好所遷美脆旨甘皆爲褻味先王以此宴賓客接人情示慈惠也則知薦享宴會於文已殊聖人別之以異爲敬今若以熟食薦太廟恐違禮本又祭義曰祭不欲數數則煩煩則不敬祭不欲疏疏則怠怠則忘是故禘祠烝嘗感時致享此聖人俯就之中制也今園寢每月二祭不爲疏也太廟每歲五享不爲數也則人臣執事在

疏數之閒得盡其忠也若令牲牢俎豆之司更備膳羞盤盂之饌朔日月半將以爲常環四時之中雜五享之禮爲數旣甚黷亦隨之雖曰不然臣不信也夫聖王之制必師於古訓不敢以孝思之極而過於禮不敢以肴膳之多而褻於味伏願陛下遵開元萬代之則省天寶權宜之制園寢之上得極珍羞宗廟之中請依正禮臣等忝司禮職敢罄愚衷上令宣示宰臣等曰此禮已經先帝所定朕未敢遽有改移待更商量期於允當至元和十四年太常丞王涇上疏請去太廟上食曰伏以太廟之享籩豆牲牢三代之通禮是貴誠之義園寢之奠改用常饌秦漢之權制乃食味之道也今朔望上食於陵寢循秦漢故事斯爲可矣若朔望上食於太廟豈非用嘗褻味而貴多品乎且非禮所謂至敬不享味而貴氣臭也況祭器不設俎尸祭官不命三公執事者唯宮闈令與宗正卿而已謂之上食可也安得以爲祭乎且時享於太廟有司攝事祝文曰孝曾孫皇帝臣某謹遣太尉臣名敢昭告於高祖神堯皇帝祖妣太穆皇后竇民時惟孟春永懷罔極謹以一元太武柔毛剛鬣明粢薌合薌其嘉蔬嘉醴齊敬修時享以申追慕尙享此祝

詞也前享七日質明太尉誓百官於尚書省曰某月某日時享於太廟各揚其職不供其事國有常刑凡陪享之官散齋四日致齋三日然後乃可以爲祭也宗廟之禮非敢擅議雖有知者其誰敢言哉六十餘年行之不廢今聖朝以弓矢旣擗禮樂爲大故下百僚使得詳議臣等以爲貞觀開元禮竝無太廟上食之禮以禮斷情罷之可也至若陵寢上食採國語禮記日祭月祭之詞因秦漢之制循而存之以廣孝道也如此則經義可據故事不遺大禮旣明永息異論中書舍人武儒衡議曰臣謹按開元禮太廟九室每

文獻通考

卷七

宗廟

七

年唯五享六告祭用牲牢俎豆而已劉歆祭義曰大禘則終王壇墀則歲貢二祧則時享會高則月祀祖禴則日祭國語云王者日祭月享時類歲祀此則往古之明徵國朝之顯據蓋日祭者薦新也言物有可薦則薦之不必卜擇時也故叔孫通云古有嘗果今櫻桃方熟可以爲獻由是惠帝取以薦宗廟是不卜日矣當叔孫通之言且曰有嘗果足明古禮非漢制也月享者告朔也論語子貢欲去告朔之餼羊孔子以爲不可則告朔必具牲牢明矣春秋又譏閏月不告朔猶朝於廟此則月祭殷周已降皆有之也薦園

寢者始於秦代漢氏因之而又改人君三年之制以日易月喪紀既以二十七月而除則朔望奠醑不復親執故既葬之後移之園陵又諸陵祠殿月遊衣冠取象平生務從豐潔所以陵寢朔望上食與太廟日祭月享本旨不同今王涇所引太廟同日時設祭以爲越禮臣竊謂王涇但宜論太廟陵寢朔望尊祭可廢之旨不當以用日時爲議何者漢宗廟園陵一百六十七所郡園祠祝豈不與宗廟同日同時者乎在禮既祭於室又釋於祊蓋廣乎求神者也則宗廟陵寢嘗祔同時理固無害又韓臯引漢官儀古不墓祭文獻通考

卷五

宗廟

五

臣據周禮冢人之職凡祭墓則爲之尸古亦墓祭但與漢家陵寢不同耳安得謂之無哉臣以爲陵廟近也親親也朔望奠獻尙潔務豐宜備常膳以廣孝也宗廟遠也尊尊也禘祫時享告朔薦新以崇古制以正禮也唯太廟望祭無所本據蓋異時有司因陵寢有朔祭望點以爲宗廟亦合行之不知宗廟朔祭乃告朔也臣以爲宜罷此耳事竟不行

九載制曰承前有事宗廟皆稱告享茲乃臨下之辭頗虧尊上之義靜言斯稱殊未爲允自今以後每親告獻太清太微宮改爲朝獻有司行事爲薦獻親告享廟改

爲朝拜有司行事爲薦享親巡陵改爲朝拜有司行事
爲拜陵應緣諸事告宗廟者竝改爲奏其郊天后土及
諸祝文云敢昭告者竝改爲敢昭薦乾封元年詔曰每
祿享而二等一奠惟有未安思革舊章用崇嚴配則自
今以後宗廟薦享爵及盥盪登銅各宜用奠其餘牢簋
竝依恆典貞元九年十一月九日謁太廟有敕至廟行
禮不得施褥蓋至敬之所自合履地而行南郊亦宜準
此

唐諸帝親享廟

太宗二

貞觀元年正月十日 十七年四月十一日謁太廟謝承乾之過

蘇冕曰貞觀六年監察御史馬周上言陛下踐阼

以來宗廟之享未曾親事遂使大唐一代之史不

文獻通考

卷七

宗廟

十

書皇帝入廟之事將何以貽厥孫謀垂則末葉且
三年已親享宗廟矣未知何事致此不同

高宗四

永徽三年正月十八日 乾封元年四月八日 總章元年十二月十九日 儀鳳二年正月

十四日

中宗一

神龍元年十一月六日

睿宗一

景雲三年正月一日

元宗七

先天元年十月四日 開元六年十月六日 十七年十一月四日 天寶元年二月十八日

六載正月十七日 十載正月九日 十三載二
月八日

肅宗二

乾元元年四月十三日 元年建子月二十九日

代宗一

廣德二年二月二十七日

德宗四 建中元年正月四日 貞元元年十一月十日
六年十一月七日 九年十一月九日

憲宗一 元和二年正月

穆宗一 長慶元年十月

敬宗一 寶歷元年十月

文宗一 太和三年十一月

武宗二 會昌元年正月 五年正月

宣宗一 大中七年正月

懿宗一 咸通元年十一月

僖宗一 乾符二年十一月

昭宗二 龍紀元年十一月 天復元年四月

文獻通考 卷之 廟宗

唐開元禮

皇帝時享於太廟儀 凡一歲五享謂四孟月及臘

一禘以孟夏及諸享攝事並附

齋戒

前享有司卜日如常儀皇帝散齋四日於別殿致齋三

日於太極殿服通天冠絳紗袍結佩竝如圜邱儀應享

官齋具序例儀 禘禘儀同

陳設

前享三日尚舍直長施大次廟東門之外道北南向尚

舍奉御鋪御座行宮設文武侍臣次於大次之後文官

在左武官在右俱南向設諸享官次於齋坊之內攝事右校

清掃內外守官設享官公卿以下次於齋坊九廟子孫於齋坊內近南西向

北上文官九品以上於齋坊之南東方南方蕃客又於

其南俱每等異位重行西向北上介公鄩公於廟西門

之外近南武官七品以上於介公鄩公之南西方北方

朝集使於武官之南西方北方蕃客又於其南俱每等

異位重行東向北上其褒聖俟於文官三品之下諸州使人分方各於朝集使之後攝事

無大次及九廟子孫以下前享二日太樂令設宮懸之樂於廟庭如

圜邱儀所異者樹路鼓及設歌鍾歌磬於廟堂上前右校清掃內外前享一

日奉禮設御位於廟東陞東南西向攝事御位下放此設享官

文獻通考

卷五

宗廟

三

公卿位於東門之內道南執事者皆位於其後每等異

位俱重行西向以北為上攝則公卿位於道北執事位於道南設御史位

於廟堂之下一位於西南東向一位於東北西向令史

各陪其後設奉禮位於樂懸東北贊者二人在南差退

俱西面設協律郎位於廟堂之上前楹之閒近西東向

設太樂令位於北懸之南北北向設從享之官位九廟子

孫於享官公卿之南昭穆異位雖有貴者以齒文官九品以上

位於子孫之南東方南方朝集使於文官之南東方南

方蕃客又於其南俱每等異位重行西面北上介公鄩

公位於西門之內道南武官九品以上於介公鄩公之

南少西當文官西方北方朝集使於武官之南西方北方蕃客又於其南俱每等異位重行東面北上

其褒聖侯於文

官三品之下諸州使人分方各位於朝集使之後

設門外位享官公卿以下皆

於東門之外道南每等異位重行北面西上子孫之位於享官公卿之東少南文官九品以上於子孫之東東方西方朝集使於文官之東東方南方蕃客又於其東

俱每等異位重行北面西上設介公鄴公位於西門之

外道南武官九品以上於介公鄴公之西少南西方北

方朝集使於武官之西西方北方蕃客又於其西俱每

等異位重行北面東上

其褒聖侯於文官三品之下諸州使人分方位於朝集使之後

文獻通考

卷之七

宗廟

三

攝無九廟子孫以下至此儀

設牲榜於東門之外當門西向以南爲

上設廩犧令位於牲西南史陪其後俱北向設太祝位

於牲東各當牲後祝史各陪其後俱西向設太常卿省

牲位於牲前近北又設御史位於太常卿之西俱南向

設罇彝之位於廟堂上前楹間各於室戶之左北向春

夏每室雞彝一鳥彝一犧罇二象罇二山壘二秋冬每

室筭彝一黃彝一著罇二壺罇二山壘二皆加勺鬯

凡宗

廟幕皆以黼

皆西上各有坫焉

祫享設罇彝於廟堂上下每座罇彝一黃彝一犧罇二象

罇二著罇二山壘二在堂上皆於神座之左獻祖太祖高祖高宗罇彝在前楹間北向懿祖代祖太宗中宗睿

宗罇彝在戶外南向其壺罇二大罇二山壘四在堂下階間北向西上禘享則雞彝鳥彝餘同祫享

設簋

銅籩豆之位於廟堂上俱東側階之北每座四簋居前
四簋次之次以六登次以六銅籩豆為後每座異之禘

攝事簋簠登銅與正數半之皆以南為上屈陳而下設御洗於東升

東南亞獻之洗又於東南俱北向壘水在洗東篚在洗

西南肆篚實以圭瓚巾爵執樽壘篚罍者各位於樽壘篚罍之

後禘禘儀享日未明五刻太廟令服其服布昭穆之座於戶外自西序以東皇八代祖獻祖宣帝皇六代祖

太祖景皇帝皇高祖高祖神堯皇帝皇祖高宗天皇大

帝座皆北廂南面皇七代祖懿祖光皇帝皇五代祖元

皇帝皇曾祖太宗文武聖皇帝皇伯考中宗孝和皇帝

皇考睿宗大聖真皇帝座於南廂北向每座皆設黼展

莞席紛純藻席畫純次席黼純左右几

省牲器

文獻通考

卷七

宗廟

五

省牲之日午後十刻廟所禁斷行人太廟令整拂神幄

祝史各取毛血每座共實一豆祝史又洗肝於鬱鬯又

取胙膋共實一豆俱置饌所餘竝如圜邱儀胙膋腸間脂禘禘祀

史洗肝於鬱鬯竝同圜邱儀

鑾駕出宮

前出宮三日本司宣攝內外各供其職守宮設從享官

五品以上次於承天門東西朝堂如常儀前二日太樂

令設宮懸之樂於殿庭如常儀駕出縣而不作享日未明七刻

搥一鼓為一嚴三嚴時節前一侍中奏裁侍中奏開宮殿門及城

門餘竝與圜邱儀同唯祭官稱享為異耳

享日未明四刻諸享官各服其服太廟令良醢令各帥其屬入實罇壘雞彝罍彝及犧罇壺罇之上罇皆實以明水山壘之罇實以元酒鳥彝黃彝實以鬱鬯犧罇著罇實以醴齊象罇壺罇實以盎齊山壘實以清酒祫禘之罇罍彝及五齊上罇皆實明水山壘上罇實以元酒黃彝實以鬱鬯犧罇實以沈齊象罇實以醴齊著罇實以盎齊壺罇則實以醴齊太罇則實以沈齊山壘太官令帥進饌者實諸籩豆簠簋未明三實以清酒

刻奉禮帥贊引引御史博士太廟令史太祝宮闈令及令史祝史與執罇壘篚冪者入自東門當階閒重行北面西向立定奉禮曰再拜贊者承傳凡奉禮有詞贊者皆承傳御史以下皆再拜訖執罇壘篚冪者各就位贊引引御史詣

文獻通考

卷第

宗廟

五

太祝詣東陞升堂行掃除於上令史祝史行掃除訖引就位祫禘又太廟令帥其屬陳瑞物於廟庭大階之西上瑞為前中下相次及我國所得寶器上次先後亦然俱藉以席擗未明二刻贊引引太廟令太祝宮闈事不陳瑞物寶器

令詣東陞升堂詣獻祖室入開坎室太祝宮闈令奉出神主置於座祫禘則未明二刻陳腰輿於東陞之東每室各二皆西面北上立定贊引引太廟令太祝宮闈令帥內外執事者以腰輿自東陞升詣獻祖室入開坎室太祝宮闈令奉出神主各置於輿出詣座前奉神座訖以次奉出訖引太廟令以下次奉出懿祖懿祖以下如獻祖儀

奉出高宗次奉出中宗次奉出獻宗神主置於座如獻祖之儀皇祖妣以下神主皆宮闈令奉出俱並而處右訖引太廟令以下降還

本位攝事贊引各引享官俱就門外位無駕將至下至從享官位儀也 駕將至謁者贊

引引享官通事舍人分引九廟子孫從享羣宮諸方客

使先至者俱就門外位駕至大次門外廻輅南向將畢

降立於輅右侍中進當鑾駕前跪奏稱侍中臣某言請

降輅俯伏興還侍位皇帝降輅乘輿之大次繖扇華蓋

侍衛如常儀太廟令以祝版奉御署訖近臣奉出太廟

令受各奠於坵通事舍人引文武五品以上從享之宮

皆就門外位太樂令帥工人二舞入就位文舞入陳於

懸內武舞立於懸南道西其升堂座者皆脫屣於下降納如常 謁者引司

空入就位立定奉禮曰再拜司空再拜訖謁者引司空

文獻通考 卷三

宗廟

三

詣東陞升堂行掃除於上降行樂懸於下訖引復位初

司空行樂懸通事舍人謁者贊引各引享官及九廟子

孫從享羣官諸方客使人就位攝事無九廟子孫以下至皇帝再拜儀但享官

再拜 皇帝停大次半刻頃太常博士引太常卿立於大

次門外當門北向侍中版奏外辨皇帝出次華蓋侍衛

如常儀侍中負寶陪從如式 博士引太常卿太常卿引皇帝凡太常卿

前導皆博士士先引 至廟門外殿中監進鎮圭皇帝執鎮圭華蓋

仗衛停於門外近侍者從入如常皇帝至版位西向立

每立定太常卿與博士退位於左 太常卿前奏稱請再拜退復位皇帝

再拜奉禮曰衆官再拜在位者皆再拜其先拜者不拜 太常卿

前奏

攝事謂者進太尉之左白請行事凡攝事皆太尉初獻

有司謹具請行事退

復位協律郎跪俛伏舉麾

凡取物者皆跪俯伏而取以興奠物則奠訖俯伏而後興

鼓祝奏永和之樂乃以黃鍾為宮大呂為角太簇為徵

應鍾為羽作文舞之舞樂舞九成

黃鍾三奏大呂太簇應鍾各再奏

麾夏啟樂止

凡樂皆協律郎舉麾工鼓祝而後作偃麾夏啟而後止

太常卿前奏

稱請再拜退復位皇帝再拜奉禮曰眾官再拜在位者

皆再拜太常卿引皇帝詣壘洗太和之樂作

皇帝每行皆如常樂

皇帝至壘洗樂止侍中跪取匱興沃水又侍中跪取盤

興承水皇帝搯鎮圭

凡受物則搯圭奠訖執圭俯伏興

皇帝盥手黃門

侍郎跪取巾於匱興進皇帝悅手訖黃門侍郎受巾跪

文獻通考

卷五

宗廟

七

奠於匱黃門侍郎又取瓚於匱興進皇帝受瓚侍中酌

壘水又侍中奉盤皇帝拭瓚訖侍中奠盤匱黃門侍郎

受巾奠於匱皆如常太常卿引皇帝樂作皇帝升自阼

階樂止侍中中書令以下及左右侍衛量人從升

以下皆如

之攝事皆太尉升陛盥洗酌獻

太常卿引皇帝詣獻祖罇彝所執罇者

舉罇侍中贊酌鬱鬯訖登歌作肅和之樂以圓鍾之均

自後登歌皆歌圓鍾

太常卿引皇帝入詣獻祖神座前北向跪以

鬯裸地奠之俛伏興太常卿引皇帝出戶

禘祫少選攝事同

北

向再拜訖太常卿引皇帝次裸懿祖次裸太祖次裸代

祖次裸高祖次裸太宗次裸高宗次裸中宗次裸獻宗

竝如上儀訖登歌止太常卿引皇帝樂作皇帝降自阼階還版位西向立樂止初羣官拜訖祝史各奉毛血及肝骨之豆於東門外齋郎奉鑪炭蕭稷黍各立於肝骨之後於登歌止祝史奉毛血肝骨與奉鑪炭蕭稷黍者以次入自正門升自太階諸太祝各迎取毛血肝骨於階上俱入奠於神座前祝史退立於罇所齋郎奉鑪炭皆置於室戶外之左其蕭稷黍各置於鑪炭下降自阼階以出諸太祝俱取肝出戶燔於鑪炭還罇所

饋食

皇帝既升祿太官令出帥進饋者奉饌陳於東門之外

文獻通考

卷七

宗廟

五

重行西向以南爲上謁者引司徒出詣饌所司徒奉獻

祖之俎皇帝既至位樂止太官令引饌入自正門俎初

入門雍和之樂作以無射之均

自後接神之樂堂下皆奏無射

饌至太

階樂止祝史俱進徹血毛之豆降自阼階以出饌升諸

太祝迎引於階上各設於神前

籩豆蓋簠先徹乃升籩簋既奠卻其蓋於下

設訖謁者引司徒以下降自阼階復位諸太祝各取蕭

稷黍濡於脂燔於鑪炭還罇所太常卿引皇帝詣壘洗

樂作皇帝至壘洗樂止皇帝盥手洗爵侍中黃門侍郎

贊洗如晨禱之儀訖太常卿引皇帝樂作皇帝升自阼

階訖樂止太常卿引皇帝詣獻祖罇彝所執罇者舉罍

侍郎贊酌醴齊訖光大之舞作太常卿引皇帝入詣獻
祖神座前北向跪奠爵少東俛伏興太常卿又引皇帝

出取爵於坵酌醴齊訖太常卿又引入詣神座前北面

跪奠爵少西興太常卿引皇帝出戶北面立樂止禮享樂終

八節止諸座皆然太祝持版進於室戶外之右東面跪讀祝文

曰維某年歲次月朔日子孝曾孫開元神武皇帝諱敢

昭告於獻祖宣皇帝攝事云謹遣太尉封臣名下倣此祖妣宣莊皇后

張氏氣序流邁時惟孟春孟夏孟秋永懷罔極伏增遠感謹

以一元大武柔毛剛鬣明粢薺蕝嘉蔬嘉醴齊恭修

時享以申追慕尚享讀訖興以下諸室祝文儀並同禘禘祀云晷度環周歲序云

文獻通考卷第宗廟完

及永懷追慕伏贈遠感謹以一元大武柔毛剛鬣明粢

薺薺今薺蕝嘉蔬嘉薺薦汎齊肅雍明獻恭備禴享餘字並

同禘享祝云祇薦禘事太祖以下並稱臣皇帝再拜訖又再拜初讀祝文訖

樂作太祝入奠版於神座出還罇所皇帝拜訖樂止太

常卿引皇帝詣懿祖罇彝所執罇者舉罇攝事太尉詣罇彝所取爵

於坵執罇者舉罇太尉酌醴齊他倣此侍中取爵於坵進皇帝受爵侍中

贊酌醴齊訖長發之舞作太常卿引皇帝入詣懿祖神

座前北向跪奠爵少東俛伏興太常卿又引皇帝出取

爵於坵酌醴齊訖太常卿引皇帝出戶北向立樂止太祝持

奠爵少西興太常卿引皇帝出戶北向立樂止太祝持

版進於戶之右東向跪讀祝文曰維某年歲次月朔日

子孝曾孫開元神武皇帝諱敢昭告於懿祖光皇帝祖
妣光懿皇后賈氏讀祝文訖奠版於神座出還罇所皇
帝拜訖樂止太常卿引皇帝詣太祖罇葬所如上儀大
政之舞作祝文曰孝曾孫開元神武皇帝臣諱敢昭告
於太祖景皇帝祖妣景烈皇后梁氏餘如上儀次太祖
大成之舞作祝文曰孝曾孫開元神武皇帝諱敢昭告
於代祖元皇帝祖妣元貞皇后獨孤氏獻訖太常卿引
皇帝詣罇葬所皇帝拜訖樂止太常卿引皇帝詣高祖
罇葬所如上儀大明之舞作祝文曰孝曾孫開元神武
皇帝臣諱敢昭告如皇高祖神堯皇帝祖妣大穆后竇
文獻通考

卷七

宗廟

三

氏訖次太常卿引皇帝詣太宗罇所如上儀崇德之舞
作祝曰孝曾孫開元神武皇帝臣諱敢昭告於皇曾祖
太宗文武聖皇帝皇曾祖妣文德聖皇后長孫氏訖次
太常卿引皇帝詣高宗罇葬所如上儀鈞天之舞作祝
文曰孝孫開元神武皇帝臣諱敢昭告於皇祖考高宗
天皇大帝皇祖妣大聖天后武氏訖次太常卿引皇帝
詣中宗罇葬所如上儀酌醴齊文和之舞作祝文曰孝
姪開元神武皇帝臣諱敢昭告於皇伯考中宗孝和皇
帝和思皇后趙氏訖次太常卿引皇帝詣獻宗罇葬所
如上儀景雲之舞作祝文曰孝子開元神武皇帝臣諱

敢昭告於皇考獻宗大聖眞皇帝皇妣昭成皇后寶氏
訖興皇帝再拜訖又再拜初讀祝文訖樂作太祝入奠
版於神座出還罇所皇帝拜訖曲終樂止太常卿引皇
帝詣東序西向立壽和之樂作皇帝獻將訖謁者引司
徒詣東階升立於楹閒北面東上皇帝獻訖諸太祝各
以爵酌上罇福酒合置一爵一太祝持爵授侍中侍中
受北向進皇帝再拜受爵跪祭酒啐酒奠爵俛伏興諸
太祝各帥齋郎持俎進太祝滅神座前三牲胙肉各取前腳
第三骨加於俎又於邊豆取稷黍還罇所以胙肉各置一
俎上以飯共置一邊以飯授司徒司徒奉進皇帝受以

文獻通考

卷之七

宗廟

三

受左右太祝又以胙肉授司徒司徒授俎以次進皇帝
每受以授左右謁者引司徒降復位皇帝跪取爵遂飯
卒爵侍中進受虛爵以授太祝太祝受爵復於坵皇帝
俛伏興再拜樂止太常卿引皇帝樂作皇帝降自阼階
還版位西向立樂止文舞出鼓祝作舒和之樂出訖夏
敵樂止武舞入鼓祝作舒和之樂立定夏敵樂止初皇
帝將復位謁者引太尉升自阼階攝事則太尉將復位謁者引太常以下倣
此詣獻祖罇彝所執罇者舉罇太尉酌益齊武舞作謁
者引太尉入詣獻祖神座前北向跪奠爵少東興謁者
引太尉出戶北向再拜謁者又引太尉取爵於坵酌益

齊訖謁者引入詣神座前北向跪奠爵少西訖興謁者
引太尉出戶北向再拜謁者引太尉次詣懿祖罇彝所
取爵於坩執罇者舉罇太尉酌盞齊謁者引太尉入詣
懿祖神座前北向跪奠爵少東興謁者引太尉出戶北
向再拜謁者又引太尉取爵於坩酌盞齊訖謁者引入
詣神座前北向跪奠爵少西訖興謁者引太尉出戶北
向再拜訖謁者引太尉次獻太祖次獻代祖次獻高祖
次獻太宗次獻高宗次獻中宗次獻獻宗竝如上儀訖
謁者引太尉詣東序西向立諸太祝各以爵酌壘福酒
合置一爵一太祝持爵進太尉之左北向立太尉再拜

文獻通考

卷之七

宗廟

三

受爵跪祭酒遂飲卒爵太祝進受虛爵復於坩太尉興
再拜謁者引太尉降復位初太尉獻將畢謁者引光祿

卿

攝事

詣壘洗盥洗升酌盞齊終獻如亞獻之儀訖引

光祿卿降復位武舞止登歌作雍和之樂諸太祝各入

室徹豆還罇所

徹者籩豆各一少移於故處

登歌止奉禮曰賜胙贊

者唱衆官再拜在位者皆再拜

已飲福者不拜

永和之樂作太

常卿前奏稱請再拜退復位皇帝再拜奉禮曰衆官再

拜在位者皆再拜樂一成止太常卿前奏禮畢太常卿

引皇帝還大次樂作皇帝出門樂止殿中監受鎮圭華

蓋侍衛如常儀通事舍人謁者贊引各引享官及九廟

子孫從享羣官諸方客使以次出贊引御史太祝以下俱復執事位立定奉禮曰再拜御史以下皆再拜贊引引出工人二舞以次出太廟令與太祝宮闈令納神主如常儀其祝版燔於齋坊

薦新於太廟儀

薦新之日太廟令帥齋郎灑掃廟之內外太官先饌所薦之物於神廚

若有酒者廟司設罇坫壘洗如式

謁者引太常卿入立

於門東之內道北面南謁者贊引稱再拜太常卿再拜進饌者奉饌入自正門升自太階各詣於神座前

籩豆蓋簾

徹之如式訖降自東階以出謁者引太常卿升自東階詣獻

文獻通考

卷之七

宗廟

三

祖室前盥洗酌獻訖再拜又再拜

若無酒卽俱再拜

訖謁者引

太常卿復位謁者贊拜訖謁者引出

薦新物

冬魚鮓筍蒲白韭堇小豆智豆裹荷菱仁薑菱索春酒桑落酒竹根黃米稬米稷米梁米稷米茄子甘蔗芋子雞頭仁苜蓿蔓菁胡瓜冬瓜瓠子春魚水蘇枸杞芙茨子藕大麥麩爪油麻麥子椿頭蓮子栗水柑子李櫻桃杏林檎橘樾菴蘿果棗兔脾麀鹿野雞凡薦新皆所司白時新堪供進者先送太常令尙食相與簡擇仍以滋味與新物相宜者配之以薦皆如上儀

梁太祖親享廟二月開平三年正月二十二日 其年十

後唐莊宗親享廟一同光二年正月二十九日

明宗親享廟一長興元年二月十九日

周太祖親享廟一廣順三年十二月二十九日

文獻通考

卷卷

宗廟

一



文獻通考卷之九十七終

文獻通考卷第九十八

鄱陽馬端臨貴與著

宗廟考八

祭祀時享

宋制太廟歲以四孟月及季冬凡五享朔望薦食薦新三年一禘以孟冬五年一禘以孟夏

開寶初上親享太廟見所陳籩豆簠簋問曰此何物也左右以禮器對上曰吾祖宗寧識亟命徹去進常膳如平生既而曰古禮不可廢也命復設之於於判太常寺和峴言按唐天寶中享太廟禮料外每室加文獻通考卷九十八宗廟一常食一牙盤五代以來遂廢其禮今請如唐故事乃詔別設牙盤食禘禘時享皆用之

太宗端拱二年七月詔以今年八月二十四日親享太廟會有彗出東井詔罷其禮

仁宗慶歷時四孟臘時享太廟攝事用羊豕各二祈報象罇一別廟增黃彝壺尊二親享則加饋

三年御史蔡稟言周制四時享親之禮有九今寺觀則車駕一茂再臨未嘗薦獻宗廟非奉先教民意帝謂輔臣曰三歲一祠郊廟而賚及天下若歲親行之則人有覲賞之心朕朝夕奉三聖御容於禁中未嘗敢怠也

太廟舊唯薦水景祐二年趙良規請薦新如通禮宗正寺禮官參定正月韭菘卯二月水三月荀含桃四月麥稊五月瓜來禽六月菱芡七月粟稌雞棗梨八月酒稻稊九月小豆蕎麥十月兔栗諸菓十一月鴈麇十二月魚增二十六種禮院因奏禮有薦新如朔奠自頃有司言宗廟則后廟可兼遂上前廟帝主薦水請后主奉慈后廟四時薦新如朔望牙盤食例宗正寺官充攝行禮詔可

神宗元豐三年詳定郊廟奉祀禮文所言祠祔烝嘗之名春夏則物未成而祭簿秋冬則物盛而祭備故許慎文獻通考

卷六

宗廟

二

以品物少文詞多爲祠而王弼以祔爲祭之薄何休謂祈穀成者非一黍先熟可得薦故曰嘗冬萬物畢成所薦衆多故曰烝故禮記以嘗爲大嘗周禮以烝爲大烝孔安國亦以烝嘗爲大享今太廟四時雖有薦新而孟享禮料無祠祔烝嘗之別伏請春加韭卯夏加麥魚秋加黍豚冬加稻鴈當饋熟之節薦於神主其籩豆於常數之外別加時物之薦豐約各因其時以應古禮從之又言薦血之器禮所不載唐崔沔議曰毛血盛於盤宋書志南郊以二陶豆盛毛血開元開寶通禮及今儀注皆以豆盛之禮以豆盛菹醢登盛羹其薦毛血

當以盤親享太廟但有三牲骨體俎而無腸胃膚俎不應古義請於三牲骨體俎之外加以牛羊腸胃及豕膚俎各一古者祭祀無迎神送神之禮其於祭之末皆不拜按少牢饋食禮主人朝服卽位於阼階東西面鄭氏曰爲將祭也卽不言拜及祝告禮成主人出立於阼階上西南亦不言拜近代事神拜而迎送殊非禮意請改定儀注聖王之專宗廟禮如事生故饌則薦四時之和氣與四海九州之美味貢則陳金璧龜帛以明共天下之材其餘無常必致國之所有以明遠物無不至自秦漢以來奉宗廟者不本先王文獻通考

卷六

宗廟

三

之經訓有司奉行充其位而已故天下常貢入王府者未嘗陳於太廟良爲濶略請親祠太廟竝令戶部陳歲貢以充庭實仍以龜爲前金次之玉帛次之餘居後 太常禮院言舊儀親祠太廟車駕未至大次太祝宮闈令奉出帝后神主置於座行禮畢已還齋殿方納神主今親祠皇帝至阼階太祝闈令始奉神主置於座行禮畢皇帝俟納神主然後降阼階舊入室帝主各以太祝遷納其后主止命太廟宮闈令二員恐致遲緩請權差七員同奉從之

詳定禮文所言古者宗廟九獻王及后各四諸臣一

自漢以來爲三獻后無入廟之事相循至今若時享則有事於室而無事於堂禘祫則有事於堂而無事於室室中神位不在奧堂上神位不當晨有饋食而無朝踐度今之宜以備古九獻之意請室中設神位於奧東面堂上設神位於戶外之西南面皇帝立於戶內西面裸鬯是爲一獻出戶立於晨前北向行朝錢薦腥之禮是爲再獻皇帝立於戶內西南行饋食薦熟之禮是爲三獻詔竝候廟制成取旨

又言王制祭宗廟之牛角握周禮小司徒凡小祭祀奉牛牲天子之祭無不用牛者唐郊祀錄稱宗廟社

文獻通考

卷五

宗廟

四

稷等祭悉用太牢今三年親祠而八室共用一犢及祫享盛祭有司攝事而不用太牢則爲非稱請三年親祠并時享有司攝事太廟每室竝用太牢詔親祠并祫享每室用太牢

又言古者人君臨祭立於阼階者主階惟人君蒞之行事示繼體祖考親親之義且以尊別於臣庶也今朝享太廟設小次於殿下褥位之東西向設皇帝版位於廟東階之東南西向乃是古者大夫士臨祭之位殊失禮意請自今太廟行禮竝設皇帝版位於東階之上西向更不設殿下版位及小次又曾子問曰

斂幣玉臧諸兩階之間聘禮卷幣埋於西階東舊制
宗廟燔其幣未合於禮請凡禮神之幣皆埋之西階
東毋則臧諸有司之匱

五年詔自今太廟祠祭前廟初獻差親王宗室使相節
度使郡王后廟初獻宗室節度觀察畱後觀察使歲以
序差不赴者罰之其餘祠祭敕差行事者準此

六年十一月帝親祠南郊前期三日奉仁宗英宗徽號
冊寶於太廟是日齋於大慶殿翼日薦享於景靈宮禮
畢帝服通天冠絳紗袍乘玉輅至太廟宰臣百僚班迎
於廟門侍中跪請降輅帝却乘輿步入廟趨至齋宮翼

文獻通考

卷九

宗廟

五

日帝服鞞袍至大次有司奏中嚴外辦禮儀使跪奏請
行事帝服袞冕以出至東門外殿中監進大圭帝執以
入宮架樂作升東階樂止登歌樂作至位樂止太祝宮
闈令奉諸室神主於座禮儀使贊曰有司謹具請行事
帝再拜詣壘洗登歌樂作降階樂止宮架樂作至南北
向樂止帝搢圭盥帨洗瓚拭瓚訖執圭宮架樂作升堂
樂止登歌樂作殿中監進鎮圭帝搢大圭執鎮圭詣僖
祖室樂止登歌奏瑞安之曲至神座前北向跪奠鎮圭
於纁藉執大圭跪三上香執瓚裸地奠瓚捧幣奠訖執
圭俯伏興出戶外北向再拜內侍舉鎮圭以授殿中監

至次室行事皆如前儀帝還位登歌樂作至位樂止宮架興安之樂作文舞九成止禮部戶部尙書以次官奉逐室俎豆宮架豐安樂作奠訖樂止帝再詣壘洗登歌樂作降階樂止宮架樂作至洗南北向立樂止帝搢圭盥悅洗爵拭爵訖執圭宮架樂作帝升東階樂止登歌樂作至僖祖室樂止宮架樂作帝搢圭跪受爵祭酒三奠爵執圭俛伏興出戶外北向立樂止太祝讀冊文帝再拜詣次室皆如前儀帝還位登歌樂作至位樂止文舞退武舞進宮架正安之樂作亞獻以次行事如前儀樂止帝詣飲福位登歌樂作至位樂止宮架僖安樂作文獻通考

卷五

宗廟

六

帝再拜搢圭跪受爵祭酒三哂酒奠爵受俎奠俎受搏黍奠黍豆再受爵飲福酒訖奠爵執圭俛伏興再拜樂止帝還位登歌樂作至位樂止太常博士徧祭七祀配享功臣戶部禮部尙書徹俎豆登歌豐安樂作徹訖樂止禮直官曰賜胙行事陪祠官皆再拜宮架興安樂作一成止太祝宮闈令奉神主入諸祔室禮儀使跪奏禮畢登歌樂作帝降階樂止宮架樂作出東門殿中監受大圭歸大次樂止有司奏解嚴轉仗赴南郊自元豐初命陳襄等詳定郊廟禮文至是始用新儀

七年詔舊制薦新米麥之屬皆取於市今後宜令玉津

瓊林宜春瑞聖諸園及金明池後苑供具其所無者乃索之雜買務

詳定郊廟禮文所言古者薦新於廟之寢無尸不卜日不出神主奠而不祭近時擇日而薦非也天子諸侯物熟則薦不以孟仲季爲限月令孟夏薦麥孟秋薦黍季秋薦稻呂氏月令一歲之閒八薦新物開元禮加以五十餘品景祐中禮官建議以謂呂紀簡而近薄唐令雜而不經於是更定四時所薦凡二十八物除衣詩禮月令外又增多十有七品雖出於有司一時之議然歲時登薦新物自祖宗行之已久今欲

文獻通考

卷六

宗廟

七

稍加刑定取其閒先王所嘗享用膳饈之物見於經者可依舊制存之其不經者去之庶幾不失禮意請自今孟春薦韭以卵饈以葑仲春薦水季春薦荀饈以含桃孟夏以彘嘗麥仲夏嘗雛以黍饈以瓜季夏饈以芡以菱孟秋嘗粟與稷饈以棗以梨仲秋嘗麻嘗稻饈以蒲季秋嘗菽饈以免以栗孟冬饈以鴈仲冬饈以麋季冬饈以魚今春不薦鮪實爲闕典請季春薦鮪以應經義無則闕之如林檎蕎麥諸菓之類及季秋嘗酒皆不經見宜刪而去之凡新物及時出者卽日登獻旣非正祭則於禮不當卜日漢儀嘗韭

之屬皆於廟而不在寢故韋元成傳以爲廟歲二十
五祠而薦新在焉自漢至於隋唐因仍其失薦新雖
在廟然皆不出神主今出神主則失禮尤甚請依韋
彤五禮精義但設神座仍俟廟成薦新於寢庶合典
禮詔依所定如鮪魚闕卽以魴鯉代之

八年太常寺言治平四年故事山陵前宗廟輟祭享遇
朔望以內臣行薦食之禮俟祔廟畢仍舊今景靈宮神
御殿已行上食太廟朔望薦食自當請罷從之

元祐七年太廟復用牙盤食舊制並於禮饌外設常食
一牙盤元豐中罷之禮官呂希純嘗建議曰先王之於

文獻通考

卷六

宗廟

八

祭祀皆備上古中古及今世之食所設古器禮饌卽上
古中古之食也牙盤常食卽今世之食也而議者乃以
爲宗廟牙盤原於秦漢陵寢上食殊不知三代以來自
備古今之食請依祖宗舊制薦一牙盤及是始從希純
之議云呂希純又嘗奏唐開元開寶禮每廟室薦獻帝
后各奠一爵其后爵謂之副爵每堂室只奠一爵帝后
共享慢神瀆禮莫此之甚請帝后各奠一爵亦如其儀
焉

徽宗大觀四年議禮局言按太廟儀注春夏用犧樽象
樽秋冬用著樽壺樽各二已應周禮司樽彝之義又每

享各用大罇二則是以追享朝享之罇施之於祠祠烝嘗矣其爲失禮明甚請自今四時享太廟不用大罇禮記郊特牲曰灌以圭璋用玉氣也周禮典瑞裸圭有瓚以肆先王說者謂天地有禮神之玉而無鬱鬯宗廟有鬱鬯而無禮神之玉然則宗廟之玉裸圭而已圭瓚之制以圭爲枋其長尺有二寸黃金爲勺青金爲外朱中央其容五升其徑八寸其勺之鼻爲龍首所以出鬱鬯也其盤徑一尺所以承瓚也今親祀太廟以塗金銀瓚有司行事以銅瓚其大小長短之制皆不如禮請改製以應古制 十一月太常光祿寺言禮制局新定太廟

文獻通考

卷六

宗廟

九

陳設之儀盡依周制籩豆各用二十有六簠簋各八以籩二十有六爲四行以右爲上饗籩二爲弟一行朝事籩八次之饋食籩八又次之加籩八又次之豆二十有六爲四行以左爲上饗豆二爲第一行朝事豆八次之饋食豆八又次之加豆八又次之簠八爲二行在籩之外簋八爲二行在豆之外籩豆所實之物悉如周禮籩人醢人之制惟簠以稻梁簋以黍稷而茅苴以蕝蜺醢以蜂子代之 十二月禮制局言太廟祭器劔用三登用一竊考劔與登皆盛羹之器祭祀烹牲於鼎升肉於俎其滑芼以醢鹽蔬實之於劔則謂之劔羹不致五味

實之於登則謂之太羹周官饗人祭祀共太羹鉶羹是也且宗廟之祭用太牢而三鉶實牛羊豕之羹固無可論者至於太羹止設一登以少牢饋食禮考之則少牢者羊豕之牲也佐食饁兩鉶司士進滫二豆三牲之祭鉶既設三則登亦如其數請太廟設三登實牛羊豕之滫以爲太羹明堂亦如之

政和四年比部員外郎何天衢言先王建祭祀之禮必得疏數之中未聞一日竝行兩祭者也今太廟薦新有與朔祭同日者夫朔祭之禮行於一月之首不可易也若夫薦新則未嘗卜日一月內皆可薦也新物未備猶文獻通考

卷六

宗廟

十

許次月薦之亦何必同朔祭之日哉詔薦新與朔祭同日卽用次日

高宗建炎二年年上幸揚州行南郊禮時太廟神主奉於壽寧寺前一日上親詣寺行朝享謝禮禮成恭謝如儀時景靈宮神御奉安於温州乃差官詣温州行禮

三年上幸杭州太廟神主併奉安於温州祭享皆差官攝事以禮器未備五享權用酒脯行禮太廟朔祭每室例用一羊建炎初務省約初用酒脯紹興五年復用羊紹興七年年上祀明堂於建康時有徽宗之喪先是太常少卿吳表臣乞於大祀前二日朝獻景靈宮前一日朝

享太廟及是援熙寧元年故事謂是時英宗喪未除不廢景靈宮太廟之禮請如故事翰林學士朱震以爲不然謂王制喪三年不祭唯天地社稷得越綍行事監祭御史趙渙言升祔以後宗廟常祭皆不當廢而當喪享廟亦有顯據左氏傳曰烝嘗禘於廟曾子問曰已葬而祭此不當廢也詩頌成王卽位諸侯來助祭春秋文公四年十一月成風薨六年十月猶朝於廟此顯據也疏奏詔侍從臺諫議吏部尙書孫近等十五人言謹按春秋三十三年傳凡君薨卒哭而祔祔而作主特祀於寢烝嘗禘於廟杜預謂新主旣特祀於寢則宗廟四時常祀自當如舊又按景德三年明德皇后之喪改易而服除眞宗遂享太廟合祭天地於圜邱熙寧元年神宗居諒闇復用景德故事躬行郊廟之禮則是考古及今居喪得見宗廟將來明堂大禮已在以日易月服除之後前一日皇帝合詣太廟朝享從之

禮部太常寺言將來明堂大禮依已降旨前一日朝享太廟檢照景德熙豐南郊故事皆在諒闇之中當時親行郊禮除郊廟景靈宮合用樂外所有鹵簿鼓吹及樓前宮架諸軍音樂皆備而不作其逐處巡警場止鳴金鈺鼓角而已今臣僚欲議罷宗祀奏樂受胙故事卽無

去奏樂受胙之文兼祖宗故事三載大享明堂蓋亦爲民祈福奏樂受胙合依祖宗累朝已行故事從之

先是監察御史趙渙言春秋有事於武宮叔弓卒去樂卒事以卿佐之喪而猶去樂況天王后之喪而可用備樂乎載祀既殞既葬而祭五祀則尸入三飯不侑不酢以五祀之祭猶廢侑酢況宗廟之祭而可享受福釐乎故晉制國有大喪天地明堂皆去聲樂且不受胙有唐祭日遇忌亦備樂而不奏此皆得禮之體也陛下雖在喪服而猶宗祀者用王制之言不敢以卑廢尊也今唯聲樂受胙於未安者蓋拜跪受釐文獻通考

卷五

宗廟

十三

既爲嘉慶之事而虞祔既畢則廟加先帝之坐陛下薦裸饋奠進詣徽室必將想像平生悲哀感愴而乃金石絲竹雜然竝奏豈不違神靈之至意而傷陛下之孝心哉將來明堂大禮前一日乞依列聖故事躬詣宗廟行朝享之禮其奏樂受胙二事乞寢庶合禮有旨令本部太常寺討論故事

紹興三十二年六月

時孝宗
巳卽位

禮部太常寺言皇帝登極

擇日詣太廟行朝享之禮參酌紹興十三年親享禮例牲牢禮料酒齊等竝如每歲五享施行從之

淳熙十六年二月光宗受禪詔以四月六日親享太廟

紹熙五年閏十月

時寧宗已卽位

浙東提舉李大性言竊觀紹

興七年侍從臺諫禮官詳定明堂典禮其大略云居喪皆得見宗廟近者合宮辰祀陛下止詣明堂殿然臣之愚竊謂與淳熙十五年事體不同又況漢文以來皆卽位而謁廟陛下龍飛已三越月未嘗一至宗廟行禮鑾輿屢出過太廟門不入揆之人情似爲闕典乞與二三大臣議之早行釋日恭謝太廟少見祇肅宗廟之意於是詔遵用三年之制其朝謁太廟委有防礙

明年吏部員外郎李謙言事莫重於登極禮莫急於

告廟蓋卽位必告廟示敬親也告廟必於歲首大其

文獻通考

卷六

宗廟

三

事也舜正月上日受命於文祖禹正月朔旦受命於神宗皆行告廟之禮也然禮以變而或殊事隨時而亦異有不可以一例觀者議禮之家各持一說不致其辯禮意無自而明夫嘉禮之與凶禮不可以並行舉一必廢一故在禮經喪三年不祭唯祭天地社稷爲越紼而行事蓋不敢以卑而廢尊也夫天地以尊而不廢宗廟以親豈獨可廢乎況王制三年不祭之說諸儒之論亦自不同杜預之說以爲旣祔以後宗廟得四時常祭蓋杜氏之意不以三年不祭宗廟爲是也今姑置常祭之說而論卽位逾年告廟之禮庶

幾禮簡而易明虛言無證則論不定請質事以明之
且太甲之元祀十有二月乙丑伊尹奉嗣王祇見厥
祖百官猶總己以聽家宰則是太甲居仲壬之喪而
告廟也漢呂后以八年七月卽世九月大臣迎立代
王元年十月辛亥文帝卽祚謁高廟卽是文帝居呂
后之喪而告廟也唐代宗以大歷十四年卽世德宗
建中元年正月庚午朝享於太廟其後穆宗長慶之
元年敬宗寶曆之元年武宗會昌之元年懿宗咸通
之元年皆以正月朝享於太廟徧觀歷代之制雖小
節不同大槩居喪雖權住祭逾年正月必告於廟載

文獻通考

卷六

宗廟

五

諸經史可考而知漢昭宣元成哀平六世皆以卽位
謁廟不待逾年則失之速唐太宗貞觀三年正月方
事於太廟馬周得以爲言則失之緩皆非禮之正也
以歷代之事而求其當其惟逾年正月告廟乎恭惟
陛下自登極以來已享帝矣大行梓宮發引在卽來
年正月盍行告廟之禮禮官未見申明者豈非以王
制爲據乎竊謂卽位之後已曾謁廟國有大故故可
以未祭與居喪之後卽位未經謁廟者事體不同考
歷代已行之事宜於來年正月一日陛下躬行告廟
之禮庶幾立一王之制示萬世之規乞下禮官指定

施行詔令禮部太常寺討論聞奏至是禮寺看詳乞
俟皇帝從吉日討論典禮施行從之

禮部太常寺修立郊祀大禮前一日朝享太廟行

禮儀注

陳設

前享三日儀鑿司設大次於太廟東神門外道北南向
小次於阼階東稍南西向又設文武侍臣次於大次之
前行事助祭官宗室及有司次於廟之內外設東方南
方客使次於文官之後西方北方客使次於武官之後
各隨地之宜設幕幔於南神門外

每室幕幔各一

又設七祀次

文獻通考

卷六

宗廟

五

於殿下橫街之北道西東向又設配享功臣次於殿下

橫街之南東西相向

每室功臣配享各爲一次

前享二日宮闈令帥

其屬掃除廟之內外開墜坎於殿西階之東南方深取

足容物南出陛太常設七祀燎柴於南神門外光祿牽

牲詣所太常陳登歌之樂於殿上前楹間稍南北向設

宮架於庭中立舞表於鄼綴之間戶部陳諸州歲貢於

宮架之南神門外隨地之宜東西相向前享一日奉禮

郎禮直官設皇帝位版於阼階上飲福位於東序俱西

向贊者設亞終獻位於小次南稍東助祭親王宗室使

相在其南進幣爵酒官受爵酒官奉幣官薦牛俎官薦

羊俎官實鑊水官薦豕俎官增沃鑊水官受幣官盥洗
奉爵官奉瓚盤官進搏黍官舉冊官七祀獻官在助祭
宗室使相之南竝西向北上大禮使位於西階之西稍

與亞終
南獻相對

行事光祿卿讀冊官光祿丞功臣南官在其

西
太常光祿以下皆稍節

以執事官位於其後助祭宰相使相位在

大禮使之南執政官在其西又設監察御史位二於西
階下俱東向北上奉禮郎太祝太官令於東階下西向
北上協律郎位二一於殿上磬盧西北一於宮架西北
俱東向押樂太常丞於登歌樂盧北押樂太常卿宮架
之北北向良醞令位於罍彝所俱北向薦香燈官宮闈

文獻通考

卷六

宗廟

六

令於室內北向西上又設助祭文武羣臣宗室位於橫
街之南東西相向諸方客位廟門之外隨其方國光祿
陳牲於東神門外當門西向以南爲上祝史各位與牲
後太常設省牲位於牲西大禮使進幣爵酒官受爵酒
官奉幣官受幣官盥洗奉爵官奉瓚盤官位於道南北
向西上七祀配享功臣獻官在其後監察御史二位在
西東向薦牛俎官視滌濯官實鑊水官視腥熟節官增
沃鑊水官押樂太常卿光祿卿讀冊舉冊官太常丞光
祿丞奉禮協律郎太祝太官宮闈令位在東西向北上
禮部帥其屬設祝冊案於室戶外之右司罍彝帥其屬

設幣篚於酌罇所次設籩豆簋盞之位每室左二十有六籩右二十有六豆俱爲四行俎三二在籩前一在豆前又設俎九在豆右爲三重登一在籩豆間鉶三皆有柶在登前簠八簋八在籩豆外三俎閒簠在左籩在右設鑪炭於室戶外蕭蒿稷黍於其後又設毛血盤肝膾豆於室戶外之左稍前設罇彝之位每室犖彝一黃彝一皆有舟著罇二壺罇二皆壘加勺罍爲酌罇太罇二山罇二犧罇二皆有壘加勺加罍設而酌俱北向西山太常設七祀位於殿下橫街之北次內司命戶竈中雷門厲行又設配享功臣位於橫街之南次內韓王趙普濟陽王曹彬位於橫街之

文獻通考

卷九

宗廟

七

南道西東向太師薛居正太師石熙載鄭王潘美位在其西太師李沆太師王旦太師李繼隆位又在其西太師王曾呂夷簡侍中曹瑋位又於其西又設司徒韓琦太師曾公亮位於橫街之南道東西向太師富弼位在其東太師司馬光位又在其東太師韓忠彥位又在其東俱北上皆設神席太廟設神位版於座首司罇彝設祭器每左二籩右二豆俎一在籩豆前簠一簋一在俎前簠在左籩在右爵一次之象罇一在籩前加罍又設俎三於南神門外每室饌幔內設進盤匝帨巾內侍位於皇帝版位之後分左右奉盤者北向奉匝及執巾者南向又設亞終獻盥洗爵洗於其位之北盥洗在東爵洗在西壘在洗東加勺篚在洗西南肆實以巾若爵洗之篚則又實以爵太官令盥洗於西階下

七祀配享功臣獻官盥洗各於神位之前

七祀及配享功臣位前盥

一 洗各 壘勺籠巾各設於左右執壘籠者位其後享日未

行事前宮闈令開室帥其屬整拂神幄如常儀司罇彝

入設祭器太府卿帥其屬入陳幣於籠

幣以白 光祿卿帥

其屬入實籩豆簠簋籩四行以右為上第一行糗餌在

前粉養次之第二行醴在前黃白黑形鹽膾鮑魚臠次

之第三行乾棗在前溼棗栗溼桃乾桃溼梅乾榛榛實

又次之第四行菱在前芡栗鹿脯次之豆四行以左為

上第一行醢食在前糝食次之第二行韭菹在前監醢

呂本糜糲菁菹鹿糲茆菹麋糲又次之第三行葵菹在

文獻通考

卷六

宗廟

六

前羸醢脾析鹿醢脣舐醢豚拍魚醢又次之第四行芹

菹在前免醢深蒲監醢落菹鴈醢荀菹魚醢又次之簠

實以稻梁梁在稻前簋實以黍稷稷在黍前登實以太

羹鉶實以和羹掣滑太官令帥其屬入實俎

簋前之俎為二重以

北為上第一重實以牛羊七體兩髀兩脅并脊而兩髀

在兩端兩肩兩脅次之脊在中第二重實以羊腥七體

其載如牛豆前之俎實以豕腥七體其載如羊豆右之

俎九為三重以北為上第一重實以牛羊豕首各一第

二重實以牛腥腸胃肺離在上端州肺三次之腸三胃

三又次之一實以羊腥腸胃肺其載如牛一實以豕腥

膚九橫載第三重一實以牛熟腸胃肺一實以羊熟腸

胃肺一實以豕熟膚其載如腥皆牛在左羊在中豕在

右良醢令帥其屬入實彝及罇壘尊彝實以明水黃彝

實以鬱鬯

著罇二一實以元酒一實醴齊皇帝酌之壺罇二一實元酒一實益齊亞終獻酌之太罇

二一實汎齊一實醴齊山罇二一實盎齊一實醴齊犧
罇二一實沈齊一實事酒象罇二一實昔酒一實清酒
竝設而不酌凡罇之實又實七祀及配享功臣位禮饌
每位左二籩梁在前鹿脯次之右二豆菁菹在前鹿膾
次之俎實以羊豕脰肉簋實以稷簋實以黍爵一象罇
一實以清酒太常設燭於神位前設大禮使以下行事執事

官損位於東神門外如省牲之位設望瘞位於瘞坎之
南如省饌之位儀鑿司設冊幄於南神門外隨地之宜
前朝享一日學士院以祝冊授通進司進御書訖降赴
尚書禮部

車駕詣太廟

前享一日皇帝於景靈宮朝獻畢既還大次禮部郎中

文獻通考

卷六

宗廟

九

奏解嚴訖皇帝入齋殿文武侍祠行事執事助祭之官

非從
駕者

宗室先詣太廟祠所其日禮直官宣贊舍人引禮

部侍郎詣大次前奏請中嚴少頃又奏外辦皇帝服履
袍自齋殿詣大次出行門禁衛諸班親從等諸司祇應
人員以下迎駕奏聖躬萬福次知客省事以下樞密都
承旨以下知內侍省以下帶御器械官應奉祇應迎侍
大夫以下武功大夫以下及幹辦庫務文臣一班迎駕
奏聖躬萬福俟皇帝卽御座從駕宰執使相一班次管
軍臣寮竝奏聖躬萬福皇帝乘輿出景靈宮櫺星門將
至太廟御史臺太常寺閣門分引文武侍祠行事執事

助祭之官宗室於太廟櫺星門外立橫班再拜奏迎訖
退皇帝乘輿入櫺星門至大次降輿以入簾降侍衛如
常儀宣贊舍人承旨敕羣臣及還次

省牲器

是日未後二刻宮闈令帥其屬掃除廟之內外司鑪彝
帥執事者以祭器入設於位凡祭器皆藉以席又加巾
蓋太府卿入陳幣於筐告潔畢未後三刻禮直官贊者

分引大禮使以下並服常服詣東神門外省牲位光祿

卿丞與執事者牽牲就位禮直官贊揖贊者引押樂太

常卿入行樂架

凡亞終獻行事皆禮直官太常博士引大禮使執政官及申視滌濯官受爵酒

文獻通考

卷六

宗廟

三

官進爵官行事皆禮直官引餘官皆贊者引次引視滌濯官及升自西階視滌濯凡行事執事官升降皆自西階內應奉官并執事隨應次引申視滌濯官申視滌濯

執事者皆舉冪曰潔俱退復位禮直官稍前曰告潔畢

請省牲前引省牲官稍前省牲訖退復位次引光祿卿

出班巡牲一匝西向躬曰克曰備次引光祿丞出班巡

牲一匝西向躬曰臚俱復位禮直官稍前曰省牲訖請

就省饌位揖訖引大禮使以下各就位禮直官贊揖有

司省饌俱畢禮直官贊省牲畢揖訖俱還齋所光祿卿

丞及執事者以次牽牲詣廚授太官令次引省鼎鑊官

詣廚省鼎鑊視濯漑次引實鑊水官詣廚實鑊水次引

增沃鑊水官詣廚增沃鑊水協律郎展視樂器乃還齋所晡後一刻太官令帥宰人以鸞刀割牲祝史各取毛血實於盤又取腓骨實於登俱置饌所遂烹牲宮闈令帥其屬掃除廟之內外

晨禱

享日丑前五刻

行時用丑時十刻

宮闈令開室帥其屬掃除禮

部奠冊於案太府卿入陳幣光祿卿入實邊豆簠簋太官令入實俎良醴令入實彝及罍壘樂工帥工人二舞以次入與執罍壘籠罍者各就位執事官各入就位次御史臺太常寺閤門宣贊舍人分引文武助祭官及宗

文獻通考

卷之六

宗廟

三

室客使贊者引薦羊俎官以下宗室各入就位禮直官贊者分引大禮使以下行事執事官詣廟東門外揖位立禮直官贊揖訖先引監察御史按視殿之上下糾察不如儀者降階就位次引大禮使以下各入就位皇帝服通天冠絳紗袍至大次禮儀使樞密院官太常卿閤門官太常博士禮直官分立於大次外之左右引禮部侍郎詣次前奏請中嚴少頃又奏外辦符寶郎奉寶陳於宮架之側隨地之宜禮儀使當次前俛伏跪奏禮儀使臣某言請皇帝行事奏請俛伏興還侍立

禮儀使奏祀儀準此

簾卷皇帝服袞冕以出侍衛如常儀禮儀使以下前導

至東神門外殿中監跪進大圭禮儀使奏請執大圭前
導皇帝入自正門侍御不應入者止於門外協律郎跪俛伏舉麾興

工鼓祝宮架乾安之樂作皇帝升降行止皆奏乾安之樂至阼階下偃

麾夏啟樂止升自阼階大禮使從凡樂皆協律郎跪俯伏舉麾興工鼓祝而

後作偃麾夏啟而後止升自阼階皇帝升階登歌樂作

樂止禮儀使以下分左右侍立凡行禮禮儀使樞密院官太常卿閣門官太常

博士禮直官前導至位則分立於左右次引奉瓚官升詣僖祖室神位前

西向立奉瓚盤官升詣皇帝版位前奉瓚盤北向立次

引奉神主官詣皇帝版位前俛伏跪奏奉神主奏訖俛

伏興退祠祭官於殿上承傳曰奉神主次引薦香燈官

文獻通考卷九宗廟三

搢笏於祔室內奉帝尊主設於座奉神主詣神幄內於凡後啟置設於座及

以白羅巾覆之執笏退復位次引宮闈令奉后神主如上儀巾覆之

退復位次引奏奉神主官詣皇帝版位前伏跪奏奉神

主訖奏訖俛伏興退禮儀使前奏有司謹具請行事又

奏請再拜皇帝再拜贊曰再拜在位官皆再拜訖次內

侍各執盤匱帨巾以進宮架樂作禮儀使奏請皇帝搢

大圭盥手內侍進盤匱沃水皇帝盥手又奏請帨手內

侍進巾皇帝帨手訖又奏請皇帝洗瓚奉瓚盤官進瓚

內侍沃水皇帝洗瓚又奏請拭瓚內侍進巾皇帝拭瓚

訖樂止又奏請執大圭奉瓚盤官奉瓚盤詣僖祖室罍

彝所西向立以瓚泄鬯執彝者舉鬯良醞令酌鬱鬯訖先詣次室鑪彝所北向立禮儀使前導登歌樂作皇帝入詣祖室北向立樂止禮儀使奏請摺大圭跪奉瓚盤官奉瓚盤西向以瓚授奉瓚官奉瓚官西向跪以進禮儀使奏請執瓚皇帝執瓚以鬯裸地奠瓚奉瓚官受瓚以授奉瓚盤官奉瓚盤官以盤受瓚訖俱詣次室以俟禮儀使奏請執大圭俛伏興前導皇帝出戶外北向立又奏請再拜皇帝再拜訖禮儀使前導皇帝詣翼祖室次詣宣祖室次詣太祖室次詣太宗室次詣眞宗室次詣仁宗室次詣英宗室次詣神宗室次詣哲宗室次詣文獻通考

卷五

宗廟

三

徽宗室裸鬯竝如上儀奉瓚官奉瓚盤官俱降復位良醞令還鑪所禮儀使前導皇帝還版位登歌樂作至位西向立樂止宮架作興安之樂文德之舞九成止太官令取肝以鸞刀制之洗於鬱鬯貫之以骨燎於鑪炭薦香燈官以肝骨入詔神於室又出以墮祭於室戶之左三祭於茅苴俱降詣盥洗位盥手吮手升復執事位

饋饌

享日有司陳鼎三十有三於神廚各在鑊右太官令帥

進饌者詣廚以七升牛於鑊實於一鼎

肩臂臠肫脰正脊一直脊一橫

脊一長脅一短脅一代脅一背二骨以正

次升羊如牛升豕如羊各實於一

鼎每室牛豕各一鼎皆設扃冪祝史對舉入設於每室饌幔內

次引視腥熟節官詣饌所視腥熟之節俟皇帝晨裸畢

還位樂止祝史抽扃委於鼎右除冪加七畢於鼎太官

令以七升牛載於一俎肩臂膾在上端腍膈在下端脊脅在中次升羊豕

各載於俎其載如牛每室牛羊豕各一俎次引薦牛薦羊薦豕俎

官搢笏奉俎以入太官令引入正門宮架豐安之樂作

由宮架東至橫街折方進行陳於西階下北向北上薦

俎官搢笏奉俎以升執事者各迎於階薦官奉俎詣僖

祖室神位前北向跪奠先薦牛次薦羊次薦豕各執笏

俛伏興有司設牛羊豕俎於腸胃膚之前牛在左羊在前豕在右

文獻通考卷之六宗廟十四

詣次室奉奠竝如上儀樂止俱降復位內執官降西側階出西神門入

南門歸執事班次引薦香燈官取蕭合黍稷搗於脂燎於鑪炭

又當饋熟之時取菹擣於醢祭於豆間三又取黍稷肺

祭如初藉用茅各還罇所次引奉幣官進幣官受幣官

受爵酒官進爵酒官升詣僖祖室奉幣官進幣官受爵

酒官進爵酒官在東西向北上受幣官在西東向次引

奉爵酒官升殿詣皇帝版位前奉爵北向立內侍各執

盤匱帨巾以進宮架樂作禮儀使奏請皇帝搢大圭盥

手內侍進盤匱沃水皇帝盥手又奏請帨手內侍進巾

皇帝帨手訖又奏請皇帝洗爵奉爵酒官進爵內侍沃

水皇帝洗爵又奏請拭爵內侍進巾皇帝拭爵訖樂止
又奏請執大圭奉爵酒官受爵奉受爵詣僖祖室酌罇
所西向立執罇者舉罇良醞令酌著罇之醴齊訖先詣
次室酌罇所北尚立禮儀使前導登歌樂作殿中監進
跪進鎮圭禮儀使奏請搢大圭執鎮圭前導皇帝入詣
僖祖室樂止宮架作基命之樂

翼祖室大順之樂宣祖
室天立之樂太祖室皇

武之樂太宗室大定之樂眞宗室熙大之樂仁宗室美
成之樂英宗室治陸之樂神宗室大明之樂哲宗室重
光之樂徽宗
室承元之樂文舞作內侍先設纁藉於地禮儀使奏請
跪奠鎮圭於纁藉執大圭俯伏興又奏請搢大圭跪次
內侍跪取幣於筐以授奉幣官奉幣官授進幣官進幣

文獻通考

卷之五

宗廟

五

官西向跪以進禮儀使奏請受幣皇帝受奠訖受幣官
東向跪受以興進奠於僖祖神位前次奉爵官以爵授
受爵酒官受爵酒官授進爵酒官進爵酒官西向跪以
進禮儀使奏請執爵皇帝執爵祭酒

三祭於
茅苴

奠爵受爵

官以爵復於坫禮儀使奏請執大圭俯伏興前導皇帝
出戶外北向又奏請少立樂止奉幣官進幣官受幣官
奉爵酒官受爵酒官進爵酒官俱詣次室內侍舉鎮圭

授殿中監又以纁藉詣次室先設於地次舉冊官搢笏
跪舉祝冊讀祝官搢笏東向跪讀冊文讀訖奠冊各執
笏興先詣次室戶外東向立禮儀使奏請再拜皇帝再

拜訖禮儀使前導皇帝詣每室奠圭幣酌獻竝如上儀
次奉幣官進幣官受幣官奉爵酒官受爵酒官進爵酒
官俱降復位內侍舉鎮圭纁藉以鎮圭授殿中監以授
有司讀冊官以下俱降復位禮儀使前導皇帝還版位
登歌樂作至位西向立樂止禮儀使奏請還小次登歌
樂作前導皇帝降自阼階樂止宮架樂作將至小次禮
儀使奏請釋大圭殿中監跪受大圭皇帝入小次簾降
樂止文舞退武舞進宮架正安之樂作舞者立定樂止
亞終獻

禮直官太常博士引亞獻詣盥洗位北向立搯笏盥手

文獻通考

卷九

宗廟

廿六

執笏詣爵洗位北向立搯笏洗爵拭手以爵授執事者
執笏升詣僖祖室酌罇所西向立宮架作正安之樂武
功之舞執事者以爵授亞獻亞獻搯笏跪執爵執罇者
舉冪太官令酌壺罇之盎齊訖先詣次室酌罇所北向
立亞獻以爵授執事者執笏興入詣僖祖室神御前北
向立搯笏跪執事者以爵授亞獻亞獻執爵祭酒三祭
於茅苴奠爵執笏俛伏興出戶外北向再拜次詣每室
酌獻竝如上儀樂止降復位初亞獻行禮將畢禮直官
太常博士引終獻詣洗及升殿酌獻竝如亞獻之儀降
復位初終獻既升次引七祀及配享功臣獻官詣盥洗

位搢笏盥手帨手執笏詣神位前搢笏跪執爵三祭酒奠酌執笏俛伏興再拜詣次位竝如上儀退復位唯七祀先

諸司命立奠爵訖與少立次引太祝進詣位前北向跪讀祝文訖退獻官再拜復位

皇帝飲福

初皇帝既晨祿光祿以牛左臂一骨及長脅短脅俱二骨以竝載於胙俎升設於僖祖室戶外俟終獻既升獻次引進俎官搏黍太祝太官令詣飲福位北向立奉俎豆爵酒者各立於其後禮儀使奏請詣飲福位簾卷出次宮架樂作殿中監跪進大圭禮儀使奏請執大圭前導皇帝至阼階下樂止升自阼階登歌樂作將至飲福

文獻通考

卷六

宗廟

七

位樂止登歌停安之樂作皇帝至飲福位西向立尚醴奉御執罇詣酌罇所良醴令酌上罇福酒合置一罇尚醴奉御奉罇詣飲福位殿中監奉爵尚醴奉御酌福酒殿中監北向捧以立禮儀使奏請再拜皇帝再拜殿中監跪以爵酒進禮儀使奏請搢大圭跪受爵祭酒三祭於地

啐酒奠爵殿中監跪受爵以興太祝帥執事者持胙俎進滅神位前正脊二骨橫脊加於俎上內侍受俎以授進俎官進俎官南向跪以進皇帝受俎奠之進俎官受俎以興以授內侍退詣殿上稍西東向立太官令取黍於簋搏以授搏黍太祝太祝受以豆北向跪以進皇帝

受訖奠之搏黍太祝受豆以興降復位次殿中監再跪以爵酒進禮儀使奏請再受爵飲福酒奠爵殿中監受虛爵興以授奉御執事者俱降復位禮儀使奏請執大圭俛伏興又奏請再拜皇帝再拜樂止禮儀使前導皇帝還版位登歌樂作至版位西向立樂止次引徹牛俎籩豆及俎籩豆俎各一但少移故處登歌豐安之樂作卒徹樂止徹牛俎官降復位禮直官曰賜胙行事助祭官拜贊者承傳曰賜胙再拜在位官皆再拜送神宮架興安之樂作一成止

神主入室

文獻通考

卷六

宗廟

三

次引奏奉神主官詣皇帝版位前俯伏跪奏奉神主入室奏訖俛伏興退祠祭官於殿上承傳曰奉神主入室

次引薦香燈官摺笏奉帝主入右室訖

薦香燈官先捧匱於神座納神

主於匱訖捧入神室

執笏退復位次引宮闈令奉后主如上儀退

復位次引奏神主官詣皇帝版位前俛伏跪奏奉神主入室訖俛伏興退禮儀使奏禮畢前導皇帝降自阼階登歌樂作至阼階下樂止宮架樂作出門樂止禮儀使

奏請釋大圭殿中監跪受大圭以授有司皇帝還大次

禮部郎中奏請解嚴訖皇帝入齋殿宮闈令以黍稷肺

祭藉用白茅束而埋之於西階東有司各取幣置於坎

大禮使以下就望瘞位禮直官曰可瘞竇土半坎太廟
宮闈令監祀次引大禮使以下詣東神門外揖位立禮
直官贊禮畢揖訖退文武助祭官及宗室以次出次引
七祀獻官詣南神門外七祀望燎位南向立有司置祝
版於燎柴焚訖退太官令帥其屬徹禮饌監察御史詣
殿監視收徹訖宮闈令闔戶以降乃退太常藏祝冊於
匱

文獻通考

卷六

宗廟

五

文獻通考卷之九十八終

文獻通考卷第九十九

鄱陽馬端臨貴與著

宗廟考九

祭祀時享

親享太廟別廟行禮儀注

誓戒

如紹興修立郊祀誓戒儀注惟不置郊社令誓文曰今年七月十四皇帝爲登寶位親行朝享太廟別廟各揚其職其或不恭國有常刑

致齋

文獻通考

卷之九

宗廟

一

皇帝散齋七日於別殿致齋三日於齋殿至行禮日自齋殿詣太廟餘如郊祀儀注

陳設

竝同郊祀前一日朝享太廟禮惟不設四方客使次及陳諸州歲貢并實俎不以牛止用羊豕

省牲器

儀注如紹興十三年親享唯舊用未後二刻掃除廟內外陳設祭器幣篚三刻省牲饌鼎鑊樂器等今用其日質明

車駕自齋殿詣太廟

其曰文武侍祠行事執事助祭官宗室先詣太廟祠所
其從駕臣僚竝服常服就次有司進輦於齋殿其從駕
臣僚竝俟從駕次禮直官宣贊舍人引禮部侍郎奏請
中嚴少頃又奏外辦皇帝自內服履袍詣齋殿卽御座
鳴鞭行門禁衛諸班親從等諸司祇應人員以下各自
贊常起居次知客省事以下樞密都承旨以下入內內
侍省都知以下帶御器械官應奉祇應通侍大夫以下
武功大夫以下及幹辦庫務文臣一班常起居宣贊舍
人贊從駕臣僚竝常起居凡起居者止奏聖躬萬福次管軍臣僚竝
常起居該宣名卽宣名若得旨免起居更不起居皇帝乘輦降自西
文獻通考 卷五 宗廟 二

階稱警蹕侍衛如常儀出和寧門將至太廟御史臺閣
門分引文武助祭官宗室禮直官贊者引行事執事官
俱詣廟櫺星門外立班再拜奉迎訖退內已奏起居止奏聖躬萬福
自帝乘輦入櫺星門至大次侍衛如常儀皇帝降輦入
大次簾降舍人承旨敕羣官各還次以俟立班行禮
晨禱

竝同郊祀前朝享太廟禮但諸帝室旣禱後禮儀使
引皇帝至別廟后室前禱鬯如上儀
饋食

竝同郊祀前朝享太廟禮惟無牛鼎俎

亞終獻

皇帝飲福

神主入室

竝同紹興十三年儀注唯飲福不用牛俎

車駕還內

臣僚禁衛等起居迎駕奏聖躬萬福訖以俟從駕還內竝如來儀禮部郎中奏解嚴宣贊舍人承旨敕羣官各還次將士各還其所

太廟時享儀注

時日

文獻通考

卷九

宗廟

三

太常寺預於隔季以孟春擇日享太廟別廟闕太史局

孟夏孟秋孟冬竝準此若臘享則預於隔季以季冬臘日享太廟別廟太史局擇日報太

常寺臘享則以其太常寺參酌訖具時告散官

齋戒

前享十日受誓戒於尙書省其日五鼓贊者設位版於都堂下初獻官在左刑部尙書在右竝南向亞終獻位

於其南稍東北向西上若東享臘享則又設禮官位於終獻之東其揖位省牲位省饌

位準此監察御史位於其西稍北東向兵部工部尙書押

樂太常卿光祿卿押樂太常丞光祿丞位於其南稍西

北向東上凡設太常丞光祿丞位皆稍卻奉禮協律郎太祝太官宮闈

令位於其東西向北上捧俎官薦香燈官位其後質明贊者引行事執事官就位立定禮直官引初獻降階就位禮直官贊揖在位者對揖初獻指笏讀誓文云某月某日孟春薦享太廟別廟夏云孟夏秋云孟秋冬云孟冬臘享云季冬臘享各

揚其職不共其事國有常刑讀訖執笏禮直官贊奉禮協律郎太祝太官宮闈令以下先退餘官對拜乃退散

齋七日治事如故宿於正寢不弔喪問疾作樂判書刑殺文書決罰罪人及與穢惡致齋三日光祿卿丞太官令齋一日二

日於本司宗室於睦親宅都廳如相妨即於宗學餘官無本司者並於太廟齋坊質明至齋所唯

享事得行其餘悉禁前享一日質明俱赴祠所齋宮官

文獻通考卷之九

宗廟

四

給酒饌享官已齋而闕者通攝行事

陳設

前享三日儀鸞司設饌幔於東神門外別廟於本廟每室

饌幔各一若冬享則設配享功臣次於殿下橫街之南東西相向每室配享功臣各為一次若臘享則設七祀次一於橫街之北道西東向前二日有司牽牲詣祠所前一日宮闈

令帥其屬掃除廟之內外太常設祭器凡設祭器皆藉以席籩豆又加

巾以俟告潔既畢有司陳牲於東神門外當門西向祝

史各位於牲後太常設省位於牲西三獻官在道南北

向兵部工部尚書押樂太常卿光祿卿押樂太常丞光

祿丞奉禮協律郎太祝太官宮闈令在道北南向俱西

凡設押樂太常丞以下位皆稍卻若監察御史於兵

上享日則不設光祿卿丞宮闈令位

部尙書之西少北太常陳禮饌於東神門外却東道北

南向設省饌位版於禮饌之南三獻官在南北向西上

監察御史在西東向兵部尙書押樂太常卿光祿卿押

樂太常丞光祿丞奉禮協律郎太祝太官宮闈令在東

西向北上捧俎官薦香燈官在其後太常設登歌之樂

於太廟別廟殿上前楹閒却南北向設宮架於太廟庭

中立舞表於鄼綴之閒享日丑前五刻禮直官贊者諸

司職掌各服其事宮闈令入殿開室整拂神幄帥其屬

掃除鋪筵在室內北墉下南向凡在筵上如常儀太常

文獻通考 卷九 宗廟 五

陳幣篚各於神位前之左幣以白一祝版各於神位之右置

於坵次祭器實之每室左二十有六籩爲四行以右爲

上右二十有六豆爲四行以左爲上俎二一在籩前實以

羊腥七體一在豆前實以豕腥七又俎六在豆右爲三重以

北爲上第一重實以羊豕首各一第二重實以羊腥腸

次之一實以豕腥膚九橫載第三重一實以羊熟腸

胃肺一實以豕熟膚其載如腥皆羊在左豕在右登

一在籩豆間實以羹三在登前實以羹八籩八在籩

豆外二俎閒簋在左籩在右簋實以稻梁梁在稻前登

一在籩之左實以肝盤一在室戶外稍東實以毛血鑪炭於室

戶外之左稍前置蕭蒿於篚設罇壘於殿上爲二重著

罇二加勺罍爲上罇一實元酒一實壺罇二加勺罍實

元酒一實益齊春夏設雞彝一并丹在著罇之右實以鬱鬯

初獻酌之秋冬臘享則設罍彝加勺罍又設鳥彝一并丹在著壘之右

實以明水秋冬臘享則設黃彝太罇二一實汎齊一實醴齊山罇二一實益齊一實醴齊

罇二一實沈齊一實昔酒壘皆實以明水俱北

向西上皆加罍設而不酌爵坫三在罇之前太常設燭

於神位前若冬享設配享功臣位於殿下橫街之南次內若臘享則設七祀司命戶竈中霤門厲行

於橫街之上次內皆太常設神位席又設俎二於東神

本廟設神位版太常設祭器實之

門外每室饌幔內洗二於東階下直東霤北盥洗在東霤洗

在壘在洗東加勺筐在洗西南肆實以巾若爵洗之筐則又實以圭

文獻通考登堯宗廟六

瓚及別廟則執壘篚者位其後若冬臘二享則又設禮官盥洗一於從祀神位

前又設揖位於東神門外如省牲位惟不設光祿卿丞捧俎官薦香燈官

宮闈令位開瘞坎於太廟別廟殿西階之東方深取足容物

南出陞設望瘞位於太廟瘞坎之南如省饌之位唯不設光

祿卿丞太官令捧俎官薦香燈官宮闈又設三獻官席

令若臘享則積七祀燎柴於西神門外又設三獻官席

位於殿下東階之東南西南立若冬享臘享則又設禮官位於終獻之北

兵部工部尙書於其南西向北上監察御史押樂太常

丞席位於殿庭之南北向奉禮協律郎太祝太官令位

其後俱西上光祿卿席位於監察御史之東北向又設

監察御史位於殿上前楹西架東向奉禮郎太祝在東

西向北上押樂太常丞於樂廡之北太官令於酌罇所俱北向協律郎位二一於太廟殿上前楹閒稍西一於宮架西北俱東向押樂太常卿位於宮架北北向

省牲器

同郊祀前朝享太廟禮

晨禋

享日丑前五刻

行事春冬用丑時七刻夏秋用丑時一刻

祠祭官引宮闈令

入詣殿庭北向立祠祭官曰再拜宮闈令再拜升殿開室整拂神幄帥其屬掃除退就執事位次引薦香燈官

入詣殿庭北向立

凡宮闈令薦香燈捧俎官行事皆祠祭官引

祠祭官曰再

文獻通考

卷五

宗廟

七

拜薦香燈官再拜升殿各就執事位次樂正帥工人二

舞入就位

太廟別廟登歌工人俟監察御史點闕訖升西階各就位

次太官令光祿

丞帥其屬實饌具畢光祿丞還齋所次引光祿卿入詣

殿庭席位北向立贊者曰再拜光祿卿再拜升殿點視

禮饌畢次引監察御史升殿點閱陳設糾察不如儀者

凡點視及點闕皆先詣儋祖室以至次室及別廟

光祿卿還齋所餘官各服祭服次引行事執事官詣東神門外揖位立定禮直官贊

揖次引押樂太常卿太常丞協律郎次引監察御史奉

禮郎太祝太官令入就殿下席位北向立次引初獻兵

部工部尚書亞終獻入就殿下席位西向立

若冬享臘享則引禮

官 祠祭官於殿上贊奉神主次引薦香燈官入室搢笏

於祔室內奉帝主設於座奉神主詣神幄內於几後啟

執笏退復執事位次引宮闈令奉后主奉別廟宮闈令

奉后主如上儀以青羅巾覆之退復執事位祠祭官於殿上贊

奉神主訖禮直官稍前贊有司謹具請行事贊者曰再

拜在位者皆再拜次引監察御史押樂太常卿太常丞

奉禮協律郎太祝太官令各就位立定太官令就僖祖位尊彝所次

引初獻詣盥洗位北向立搢笏盥手脫手執笏詣爵洗

位北向立搢笏洗瓚授執事者執笏升殿詣僖祖室罇

彝所西向立執事者以瓚授初獻初獻搢笏跪執瓚執

文獻通考卷五十九 宗廟 八

彝者舉冪太官令酌鬱鬯訖先詣宣祖室尊彝所北向

初獻以瓚授執事者執笏興詣僖祖室神位前北向立

搢笏跪次引奉禮郎搢笏西向跪執事者以瓚授奉禮

郎奉禮郎奉瓚授初獻初獻執瓚以鬯裸地奠訖以瓚

授執事者次執事者以弊授奉禮郎奉禮郎奉幣授初

獻執笏興先詣宣祖室神位前西向立初獻受幣奠訖

執笏俯伏興出戶外北向再拜次詣宣祖室太祖室太

宗室眞宗室仁宗室英宗室神宗室哲宗室徽宗室欽

宗室次降西側階詣別室升西階詣懿節皇后室安穆

皇后室安恭皇后室裸鬯奠幣竝如上儀訖降東側階

由東廊俱復位立協律郎跪俛伏舉麾興工鼓祝宮架
作興安之樂孝熙昭德之舞九成偃麾夏啟樂止凡樂皆協

律郎跪俯伏舉麾興工鼓祝而後作偃麾夏啟而後止既晨裸薦香燈官入取毛

血奠於神座前別廟以太祝太官令取肝以鸞刀制之
洗於鬱鬯貫之以骨燎於鑪炭薦香燈官以肝骨入詔

神於室別廟以太祝又出以隋祭於室戶外之左三祭
於茅苴退復位

饋食

享日有司帥進饌者詣廚以七升羊實於一俎肩臂膊在上端

肫膈在下端正脊一直脊一橫脊一長脊一短脊一代脊一背二骨一並在中次升豕如羊實

文獻通考卷九

宗廟

九

於一俎每室羊豕各一俎入設於饌幔內俟初獻既升裸訖捧

俎官及執事者捧俎入詣西階下北向北上次引兵部

工部尚書詣西階下搢笏捧俎兵部奉羊工部奉豕升殿宮架豐

安之樂作詣僖祖神位前北向跪奠先薦羊次薦豕各

執笏俛伏興有司入設於豆右腸胃膚之前羊在左豕在右次

詣每室奉俎竝如上儀樂止次詣別廟奠俎如前太廟

之儀唯登歌作肅安之樂降東側階由東廊復位初奠俎訖次引

薦香燈官取蕭合黍稷搗於脂燎於鑪炭當饋熟之時

薦香燈官取苴搗於醢祭於豆閒三又取黍稷肺祭如

初俱藉以茅別廟以太祝退復位次引太祝詣僖祖室

前東向立次引初獻再詣盥洗位宮架正安之樂作初獻

升降行止皆作正安之樂至位北向立搢笏盥手脫手執笏詣爵洗

內北向立搢笏洗爵拭爵以授執事者執笏升殿止登

歌樂作詣僖祖室酌罇所西向立樂止登歌基命之樂

作執事者以爵授初獻初獻搢笏跪執爵執罇者舉罇

太官令酌著罇之醴齊訖先詣宣祖室酌罇所北向立

初獻以爵授執事者執笏興入詣僖祖室神位前北向

立搢笏執事者以爵授初獻初獻執爵祭酒三祭於茅

苴奠爵執笏俛伏興出戶北向立樂止次太祝搢笏跪

讀祝文讀訖執笏興先詣宣祖室戶外東向立初獻再

文獻通考

卷五

宗廟

十

拜次詣每室及詣別廟行禮竝如上儀初獻詣別廟升降登歌作崇安

之樂酌獻行禮登歌竝作欽安之樂初獻將降階登歌作降偕樂止宮架

樂作復位樂止文舞退武舞進宮架作正安之樂舞者

立定樂止次引亞獻詣盥洗位北向立搢笏盥手脫手

執笏詣爵洗位北向立搢笏洗爵拭爵以授執事者執

笏升殿詣僖祖室酌罇所西向立宮架作武安之樂禮

洽儲祥之舞執事者以爵授亞獻搢笏跪執爵執罇者

舉罇太官令酌壺罇之盎齊訖先詣宣祖室酌罇所北

向立亞獻以爵授執事者執笏興詣僖祖室神位前北

向立搢笏跪執事者以爵授亞獻亞獻執爵祭酒三祭

於茅苴奠爵執笏俛伏興出戶外北向再拜次詣每室

并別廟行禮竝如上儀亞終獻詣別廟酌獻登歌竝作嘉安之樂初亞獻既

入太室引終獻詣洗及升殿行禮竝如上獻之儀訖俱

降復位若冬享則俟終獻將升次引禮官詣盥洗位搢

執爵三祭酒奠爵執笏俯伏興再拜詣次位行禮竝如

上儀退復位若臘享則俟終獻將升次引禮官詣盥洗

位搢笏盥手脫手執笏詣司命神位前搢笏跪執笏三

祭酒奠爵執笏俯伏興少立次引太祖進詣神位前北

向搢笏跪讀祝文讀訖執笏興退復位禮官再拜

詣每位前行禮竝如分獻配享功臣之儀退復位

太祝徹籩豆籩豆各一少移故處登歌恭安之樂作別廟寧安之樂卒徹

樂止次引宮闈令束茅訖俱復位禮直官曰賜胙贊者

丞傳曰賜胙再拜在位者皆再拜送神宮架興安之樂

文獻通考卷五十一 宗廟十一

作一成止祠祭官於殿上贊奉神主入祔室次引薦香

燈官搢笏奉帝主入祔室薦香燈官先捧匱置於神座

納神主於匱訖捧入祔室執笏退復位次引宮闈令奉后主并引別廟宮闈令奉

后主入祔室竝如上儀退復位祠祭官於殿上贊奉神

主入祔室訖次引初獻兵部刑部尚書亞終獻就望瘞

位若冬享臘享則又有司詣室取幣束茅苴於坎次引

引禮官就望瘞位監察御史押樂太常丞奉禮協律郎太祝就望瘞位立

定禮直官曰可瘞寘土半坎本廟宮闈令監視別廟殿下宮闈

令監次引初獻以下詣東神門外揖位立禮直官贊禮

若臘享則次引禮官詣西神門外七望

畢揖訖退燎位立有司置祝版於燎柴焚訖退太官

令帥其屬徹禮饌次引監察御史詣殿監視收徹訖還齋所宮闈令闔戶以降太常藏祝版於匱光祿卿以胙奉進監察御史就位展視光祿卿望闕再拜乃退

太廟薦新儀注

陳設

前一日有司設新物於太常卿齋所至日以行事設籩

豆於每室戶外以新物實之

每室孟春豆三實以韭苡

豆三實以荀蒲鱮魚籩一實以合桃孟夏豆三實以彘

卯仲春豆一實以水季春

肉大小麥仲夏豆二實以雞黍黍籩一實以瓜季夏籩

二實以菱栗孟冬豆一實以鴈仲冬

豆一實以麩季冬豆一乃實之以魚又設盥洗於阼階下直東雷北向壘在洗東加勺篚在洗西南肆實以巾

文獻通考

卷五

宗廟

三

設太常卿席位於殿下東南西向

省饌

前一日祠祭官引宮闈令詣太常卿齋所同視新物應饌者有司詣廚省饌以時帥其屬臨造

行事

薦新日祠祭官引宮闈令先入詣殿庭北向立祠祭官

曰再拜宮闈令再拜升自西階

凡行事執事官

升階皆自西階開室出

主帥其屬掃除退就執事位次有司實新畢禮直官引

太常卿常服入就殿下席位西向立贊再拜太常卿再

拜次引詣盥洗位北向立搯笏盥手悅手執笏升殿詣

僖祖室戶外搢笏執事者以新物授太常卿太常卿受新物奉入詣神位前北向跪奠執笏俛伏興出戶外北向再拜次詣宣祖室太祖室太宗室眞宗室仁宗室英宗室神宗室哲宗室徽宗室欽宗室別廟懿節皇后室安穆皇后室安恭皇后室行禮竝如上儀降復位少立退宮闈令闔戶降退

郊祀大禮前二日朝獻景靈宮行禮儀注

陳設

前朝獻三日儀鸞司設大次於齋殿又設文武侍臣次於大次之前隨地之宜行事助祭官宗室及有司次於

文獻通考

卷五

宗廟

三

宮之內外各隨地之宜設東方南方客使次於文官之後西方北方客使次於武官之後又設饌幔於殿門外隨地之宜前二日郊社令帥其屬掃除宮之內外太常設燎鑪於殿門之外又陳登歌之樂於殿上前楹間稍南北向設宮架於殿門外隨地之宜立舞表於鄼綴之間前朝獻一日奉禮郎禮直官設皇帝位版於阼階上西向飲福位於聖像之西南北向望燎位於殿下之東南向贊者設亞終獻位於阼階之東稍南西向大禮使左僕射於西階之西稍南東向

與亞終獻班相對

行事戶部禮

部刑部尚書吏部刑部侍郎光祿卿讀冊官舉冊官光

祿丞於其西

光祿丞
稍卻

執事官位又於其後奉禮郎搏黍

太祝太社太官令位於亞獻之北西向稍卻監察御史

位二於大禮使之北東向俱稍却又設協律郎位二一

於殿上磬虛之西北一於宮架西北俱東向押樂太常

丞於登歌樂虛北押樂太常卿位於宮架之北良醞令

於酌罇所俱北向又設文武助祭官宗室位於行事執

事官之南東西相向諸方客使位於殿門之外隨其方

國又設告潔位於殿門之外設大禮使左僕射位於道

西東向行事吏部戶部禮部刑部尚書吏部刑部侍郎

押樂太常卿光祿卿讀冊官舉冊官押樂太常丞光祿

文獻通考

卷五

宗廟

五

丞奉禮協律郎搏黍太祝郊社太官令位於道東西向

北上

押樂太常丞
以下位稍卻

監察御史位於尚書之右異位稍却

光祿陳禮饌於殿門內在北南向太常設省饌位版於

禮饌之南大禮使左僕射在南北向西上監察御史位

二在西東向行事吏部戶部禮部刑部尚書吏部刑部

侍郎押樂太常卿光祿卿讀冊官舉冊官押樂太常丞

光祿丞奉禮協律郎搏黍太祝郊社太官令在東西向

北上禮部帥其屬設祝冊案於殿上之西司罇彝帥其

屬設玉幣篚於酌罇所次設籩豆簋簋之位於聖像前

左十有一籩右十有一豆俱為三行俎一在籩前簋一

盞一在籩豆外盞在左盞在右又設罇壘之位著罇二壺罇二皆有壘加勺罇爲酌罇太罇二山罇二犧罇二

象罇二皆有壘加罇設而不酌竝在殿上稍南北向西上又設籩豆簠簋俎各一於饌幔內設御盤匝於阼階

上并供進盤匝帨巾內侍坐竝於皇帝版位之後分左右奉盤者北向奉匝及執巾者南向又設亞終獻盥洗爵洗於其位之

北盥洗在東爵洗在西壘洗在東加勺筐在洗西南肆實以巾若爵之筐則又實以爵執壘筐者各位於其後朝獻日行事前太常

府卿帥其屬陳幣於筐幣蒼少府監帥其屬入陳禮神之玉置於聖像前玉以四圭有邸光祿卿帥其屬入實籩豆簠簋

文獻通考 卷五 宗廟 五

籩三行以右爲上第一行形鹽在前黎糗餌次之第二行榛實在前乾桃乾棗次之第三行菱在前芡栗乾柿次之豆三行以左爲上第一行芹蒹在前荀蒹青菹禁蒹次之第二行韭在前葱薤松脯齋脯次之第三行鮑食在前瓜齋醬次之太官令帥其屬入實俎籩前之之簋實以黍簠實以稻俎實以

餅良醢令帥其屬入實罇著罇二一實元酒一實醴齊皇帝酌之壺罇二一實元酒一實盞齊亞終獻酌之太罇二一實汎齊一實醴齊山罇二一實盞齊一實醴齊犧罇二一實汎齊一實事酒

象罇二一實昔酒一實清酒竝設而不耐凡壘之實各視其罇有司設神御殿禮饌及供奉之物如常儀太常設燭於聖像前又設大禮使以下行事執事官揖位於殿門外如告潔之位儀鸞司設

神位版幄又設再幄於殿門外各隨地之宜

省饌

前朝獻一日質明太社令帥其屬掃除宮之內外訖司
罇彝帥執事者以祭器入設於位凡設祭器皆藉以
薦籩豆又加巾蓋太

府卿少府監入陳玉幣告潔畢
權徽少頃禮直官贊者分引

大禮使以下竝常服詣殿門外告潔位禮直官贊揖訖

贊揖者引押樂太常卿入行樂架凡亞終獻行事皆禮
直官太常博士引大

禮使執政官行事皆禮
直官引餘官皆贊者引次引禮部尚書入升自西階視

滌濯凡行事執事官升降皆自西階內應奉
官并執事祇應人各隨應奉階升降次引左僕

射申視滌濯執事者皆舉冪曰潔俱退復位禮直官稍

前曰告潔畢請就省饌位揖訖引大禮使以下各就位

禮直官贊揖有司省饌具畢禮直官贊省饌畢揖訖俱

文獻通考卷五十一
宗廟六

還齋所次引禮部尚書詣廚視濯漑次引刑部尚書詣

廚實鏹水刑部侍郎增沃鏹水協律郎展視樂器乃還

齋所晡後太社令帥其屬掃除宮之內外學士院以祝

冊授通進司進御書訖降付尚書禮部

車駕自大慶殿詣景靈宮

朝獻日文武侍祠行事助祭之官宗室非從
駕者先詣景靈

宮祠所次禮直官宣贊舍人引禮部侍郎詣大慶殿奏

請中嚴少頃又奏外辦皇帝服履袍詣大慶殿鳴鞭行

門禁衛諸班親從等諸司祇應人員以下各自贊常起

居次知客省事以下樞密都丞旨以下知內侍省事以

下御帶器械官應奉祇應通侍大夫以下武功大夫以下及幹辦庫務文臣一班常起居俟皇帝卽御座從駕宰執使相以下一班次管軍臣僚並常起居若得旨免起居更不起皇帝乘輿鳴鞭出行宮北門將至景靈宮御史臺太常寺閤門分引文武侍祠行事執事助祭之官宗室於宮櫺星門外立班再拜奏御訖退已起居者止奏聖躬門從駕宰執事從等繫行事前導者先退各朝祭服皇帝乘輿入櫺星門至大次降輿以入簾降侍衛如常儀以俟行事

奉玉幣

朝獻日未行事前諸行事及助祭之官各服其服太祝

文獻通考

卷五

宗廟

七

奠冊於案太府卿少府監入陳玉幣光祿卿入實籩豆簋盞太官令入實俎良醢令人實罇壘樂正帥工人二舞以次入與執罇壘篚器者各就位次御史臺太常寺閤門宣贊舍人分引文武助祭官及宗室客使入就位次禮直官贊者分引大禮使以下行事執事官詣殿門外揖位立禮直贊揖訖先引監察御史按視殿之上下糾察不如儀者降階就位次引大禮使以下各入就位次禮儀使樞密院官太常卿閤門官太常博士禮直官分立於大次外左右次引禮部侍郎詣次前奏請中嚴少頃又奏外辦符寶郎奉寶陳於宮架之側隨地之宜

禮儀使當次前俛伏跪奏禮儀使臣某言請皇帝行事
奏訖俛伏興還侍立禮儀使奏禮畢準此簾卷皇帝服竟冕以出

侍衛如常禮儀使以下前導至殿門外殿中監跪進大
圭禮儀使奏請執大圭前導皇帝入自正門侍衛不應入者止於

外門協律郎跪俛伏舉麾興工鼓柷宮架乾安之樂作皇
帝升降行止皆凡樂皆協律郎至阼階下偃麾戛敵樂止跪俯伏舉麾興

工鼓柷而後作偃麾戛敵而後止禮儀使皆從升自阼階大樂使從皇帝升降大
登禮儀使皆從歌樂作左右侍衛之官至版位西向立樂止禮儀使以

下分左右侍立凡行禮皆禮儀使樞密院官太常卿閣
於左門官太常博士禮直郎前導至位分立禮儀使前奏有司謹具請行事宮架作大安之樂

文獻通考

卷九

宗廟

六

發祥流慶之舞俟樂作三成止先引左僕射吏部尚書

侍郎升詣聖祖座前立左僕射吏部尚書俱西向北上

吏部侍郎東向樂作六成樂止禮儀使奏請再拜皇帝

再拜贊者曰再拜在位官皆再拜內侍取玉幣於筐立

於罇所又內侍各執盤匱帨巾以進宮架樂作禮儀使

奏請皇帝搢大圭盥手內侍進盤匱沃水皇帝盥手內

侍進巾皇帝帨手訖又奏請皇帝執大圭樂止禮儀使

前導登歌靈安之樂作殿中監跪進圭禮儀使奏請搢

大圭執鎮圭前導皇帝詣聖祖座前北向立內侍先設

纁藉於地禮儀使奏請跪奠鎮圭於纁席執大圭俯伏

興又奏請搢大圭跪內侍加玉於幣以授吏部尚書吏部尚書以授左僕射左僕射西向跪以進禮儀使奏請受玉幣皇帝受奠訖吏部侍郎東向跪受以興進奠於聖像前左僕射吏部侍郎權於殿上稍西東向立吏部尚書降復位禮儀使奏請執大圭俛伏興又奏請再拜皇帝再拜訖樂止禮儀使奏前導皇帝還版位登歌樂作至位西向立樂止內侍舉鎮圭纁藉以鎮圭殿中監以授有司

薦饌

朝獻日太官令以饌實於俎及籩豆簠簋陳於饌幔內

文獻通考

卷九

宗廟

九

東西相向

俎實以乳餅籩實以粉資豆實以糗食簠實以梁簋實以黍稷

俟皇帝升奉

玉幣訖還位樂止次引禮部尚書詣饌所執籩豆簠簋

以入戶部尚書詣饌所奉俎以入太官令引入正門宮

架吉安之樂作設於西階下北向北上奉俎者在南次

引禮部尚書搢笏執籩豆簠簋戶部尚書搢笏奉俎以

升執事者各迎於階上禮部尚書奉籩豆簠簋於聖像

前北向跪奠訖執笏俛伏興有司設籩於糗餌前豆於

醬前簋於稻前簋於黍前次戶部尚書奉俎於聖像前

北向跪奠訖執笏俯伏興有司設於豆前樂止俱降復

位次引左僕射吏部侍郎詣聖祖座前立左僕射西向

吏部侍郎東向次引吏部侍郎奉爵升詣皇帝版位前
北向立內侍各執盤匱悅巾以進宮架樂作禮儀使奏
請皇帝搢大圭盥手內侍進盤匱沃水皇帝盥手內侍
進巾皇帝悅手訖又奏請皇帝洗爵吏部侍郎進爵內
侍進巾皇帝拭爵訖樂止又奏請執大圭登歌祖安之
樂作吏部侍郎受爵奉爵詣酌罇所東向立執罇者舉
罇良醞令酌著罇之醴齊禮儀使前導皇帝詣聖祖座
前北向立禮儀使奏請搢大圭跪吏部侍郎以爵授左
僕射左僕射西向跪以進禮儀使奏請執爵進酒再進
酒三進酒俱以爵授吏部侍郎吏部侍郎東向跪受爵

文獻通考

卷五

宗廟

三

置於聖祖座前禮儀使奏請執大圭俛伏興又奏請皇
帝少立樂止左僕射以下俱復位舉冊官搢笏跪舉祝
冊讀冊官搢笏東向跪讀冊文讀訖奠冊各執笏興俱
降復位禮儀使奏請再拜皇帝再拜訖禮儀使前導皇
帝還版位登歌樂作至版位西向立樂止文舞退武舞
進宮架正安之樂作舞者立定樂止禮直官太常博士
引亞獻詣盥洗位北向立搢笏盥手悅手執笏詣爵洗
位北向立搢笏洗爵拭爵以爵授執事執笏升詣酌罇
所東向立宮架作冲安之樂降眞觀德之舞執事者以
爵授亞獻亞獻搢笏跪執爵執罇者舉罇太官令酌壺

樽之盞齊亞獻以爵授執事者執笏興詣聖祖座前北向搢笏跪執事者以爵授亞獻亞獻執爵三進酒執笏俛伏興少退北向再拜訖樂止降復位初亞獻行禮將畢禮直官太常博士引終獻詣洗及升殿酌獻竝如亞獻之儀訖降復位初終獻既升獻戶部禮部尙書升詣殿西東向立次引殿中監太祝太官令詣飲福東向立奉豆及爵酒者各立於其後禮儀使奏請詣飲福位前導皇帝登歌樂作將至位樂止又登歌報安之樂作皇帝至飲福位北向立尙醞奉御執樽詣酌樽所良醞令酌上樽福酒各置二樽尙醞奉御酌福酒殿中監西向

文獻通考

卷九

宗廟

三

奉以立禮儀使奏請再拜殿中監跪以爵酒進禮儀使奏請搢大圭跪受爵祭酒

三祭於地

啐酒奠爵殿中監跪受

爵以興太官令取黍於簋搏以授太祝太祝受以豆東向跪以進皇帝受豆奠之太祝乃受以興降復位次殿中監再跪以爵酒進禮儀使奏請受爵飲福酒奠爵殿中監受虛爵以與以授尙醞奉御執事者俱降復位禮儀使前導皇帝還版位登歌樂作至版位西向立樂止次引禮部尙書詣聖像前徹籩豆次戶部尙書徹俎簋豆俎各一俱少移故處登歌吉安之樂作卒徹樂止

禮部戶部尚書降復位禮直官曰賜福酒行事助祭官拜贊者承傳曰賜福酒再拜在位官皆再拜送眞宮架太安之樂作一成止

望燎

太安之樂畢禮儀使奏請詣望燎位前導皇帝詣望燎位登歌樂作降自阼階樂止宮架樂作至位南向立樂止初賜福酒再拜訖吏部侍郎帥太祝執篚進詣聖祖座前取幣祝冊執事官以俎載黍稷飯及爵酒降階置於柴上禮直官曰可燎東西各以炬燎半柴禮儀使奏禮畢前導皇帝還大次宮架樂作出門外禮儀使奏請

文獻通考

卷之九

宗廟

三

釋大圭殿中監跪受大圭以授有司侍衛如常儀皇帝至大次樂止禮部奏請解嚴次引大禮使以下詣殿門外揖位立禮直官贊禮畢揖訖退宣贊舍人等分引文武助祭官及宗室客使以次出次引諸神御殿分獻官及太祝各入就位太祝在南北向分獻官在東西向

殿獻官太祝俱常服

贊者曰再拜在位官皆再拜太祝升詣香案

御神

之西東立次引分獻官升詣香案前北向立搢笏三上香跪執瓊奠楩三奠酒執笏俛伏興少立太祝跪讀祝文讀訖以興舉版置於案降復位分獻官再拜訖降復位退其後南郊竝如儀

先公遺老齋雜誌景定庚申秋大享明堂以余爲殿中監進接圭宮明堂之禮主上執大圭以行事奠鎮圭以禮神圭之爲性潤滑上所執處以錦纏之供奉官則以腦子粉澤手防滑墜也二圭皆以中貴一員掌之太常寺吏一人隨直皆在殿中監左右上詣景靈宮入思成門則跪進大圭上執以行至大次釋圭以授殿中監入大次暨奏中嚴外辦卷簾跪進如初上執詣禱位其時殿中監急趨禋室外奉鎮圭以俟須臾上且至入室禮吏喝云摺大圭執鎮圭上既自摺於腰閒遂跪進鎮圭上

文獻通考

卷完

宗廟

三

受以奠於神幣前禮吏又喝云執大圭上自腰閒取以執則殿中監急就神幣前取鎮圭入第二室凡禮吏之引喝殿中監之跪進一如初室至十三室然後獻禮畢上執圭就禱位東向立以俟亞終獻行禮凡明堂行禮之日設大次於殿廊上入俟嚴辦設小次於殿門右上還小次以俟亞終獻行禮然祖宗嚴禋帝祖例不還小次示恭勤也上暮年有內迫之症既還禱位余方在室中收鎮圭以付內侍實不在上前忽聞有旨還小次內侍於上手取圭以從還余方至太常少卿趙與豈呵詰曰

殿中監何在上還小次無人接圭余爲震恐因思
惟有自劾待罪而已禮吏曰祖宗時未嘗還小次
此謂之非次還內尊官若待罪乃顯上失宜付之
忘言余心是之但從內侍取大圭跪俟小次簾外
而已須叟卷簾進圭上執詣飲福受胙位授受行
禮既畢復詣望座位禮畢詣殿門俟上至而後畢
事自初日朝獻景靈宮次日朝享太廟又次日明
堂殿行禮皆如之禮云凡執玉執輕如不克況與
人主相授受乎其最可畏者上將入門跪進大圭
圭進訖急趨旁側立恐妨天步之入也上將出門
跪接接訖又急趨旁側立恐妨天步之出也當是
時倉皇失措在俄頃閒耳非夫平日端莊敬懼者
不在比選朝廷蓋重其人難其事云

右宋朝太廟原廟祭禮惟郊祀前親享爲盛儀注
已見於前遺老齋雜誌所書執圭一則并附見於
此

四孟朝獻景靈宮儀注

齋戒

朝獻前一日皇帝齋於內殿御崇政殿視事如故唯不
弔喪問疾作樂有司不奏刑殺文書其行事前導官齋

於本司治事如故唯不判書刑殺文書及行刑

陳設

前期有司陳香案及供奉之物於聖祖天尊大帝元天大聖后并諸帝后位前儀鸞司設御幄於殿東廡西向設皇帝褥位於殿下東階之東西向及鋪設黃道細褥并逐香案前褥位

內第二日上
詣後殿行禮

朝獻

其日質明皇帝服履袍出內卽御座鳴鞭行門禁衛諸班親從等諸司祇應人員已下於崇政殿各自贊常起居次從駕臣僚并應奉前導陪位官并管軍於崇政殿

文獻通考

卷五

宗廟

五

起居如閤門儀訖先退以俟從駕俟皇帝自崇政殿乘輦出行宮北門將至景靈宮侍臣前導及陪位官於景靈宮櫺星門外殿門外迎駕起居再拜訖次有司引陪位官先詣殿下北向立禮直官太常博士太常卿詣御幄前北向立禮直官引侍臣二員升殿詣聖祖天尊大帝香案前東西相向對立

諸帝后御前卽引侍臣一員
於香案前西向立俟進接椽

酒畢止於殿上

陪位文武官入詣殿下北向立定俟皇

帝乘輦入櫺星門於東廊便門步至御幄簾降閤門官

於東幄前相向立閤門報班齊禮直官太常博士引太

常卿於御幄前俯伏跪奏稱太常卿臣某言請皇帝行

朝獻之禮奏訖伏興

奏禮畢準此

簾卷太常卿閣門官太常

博士禮直官前導皇帝詣殿下褥位西向立

凡行禮皆太常卿閣

門官太常博士禮直官前導至位卽分立於左右

太常卿奏請拜皇帝再拜贊

者曰拜在位官皆再拜訖前導官前導皇帝升自東階

詣聖祖天尊大帝位香案前褥位北向立內侍奉香太

常卿奏請上香再上香三上香內侍以棹酒授侍臣侍

臣西向跪以進又奏請皇帝跪進棹進酒再進酒三進

酒以授侍臣侍臣置於聖祖天尊大帝位前又奏請俛

伏興又奏請拜皇帝再拜贊者曰拜在位官皆再拜訖

前導官前導皇帝降自東階詣殿下褥位西向立奏請

文獻通考

卷九

宗廟

三

拜皇帝再拜贊者曰拜在位官皆再拜訖前導官前導

皇帝還御幄簾降太常卿奏禮畢訖行事前導陪位官

等先詣中殿立班如前殿儀俟皇帝詣中殿御幄簾降

閣門報班齊禮直官太常博士引太常卿於御幄前俛

伏跪奏稱太常卿臣某言請皇帝行朝獻之禮奏訖伏

興

奏禮畢準此

簾卷太常卿閣門官太常博士禮直官前導

皇帝詣殿下褥位西向立太常卿奏請拜皇帝再拜贊

者曰拜在位官皆再拜前導官前導皇帝升殿詣宣祖

皇帝位香案前褥位北向立內侍奉香太常卿奏請上

香再上香三上香內侍以棹酒授侍臣侍臣西向跪以

進又奏請皇帝跪二奠祿奠酒再奠酒三奠酒俛伏興
又奏請拜皇帝再拜贊者曰拜在位官皆再拜訖次詣
太祖皇帝太宗皇帝眞宗皇帝仁宗皇帝英宗皇帝神
宗皇帝哲宗皇帝徽宗皇帝欽宗皇帝神御神案前行
禮竝如上儀訖前導官前導皇帝降自東階殿下褥位
西向立奏請拜皇帝再拜贊者曰拜在位官皆再拜訖
前導官前導皇帝還御幄簾降太常卿奏禮畢訖陪位
行事前導應奉官以次退皇帝歸齋殿以俟還內如來
儀次日皇帝自內乘輦入櫺星門將至宮門就露屋降
輦步至齋殿由後殿之後至後殿東廊御幄以俟詣元
文獻通考

卷之九

宗廟

七

天大聖后次詣昭憲皇后孝明皇后懿德皇后明德皇
后元德皇后章穆皇后章憲明肅皇后章懿皇后慈聖
元獻皇后宣仁聖烈皇后欽聖憲肅皇后欽成皇后欽
慈皇后昭慈聖獻皇后昭懷皇后顯恭皇后顯肅皇后
神御香案前行禮竝如前殿中殿之儀

第一日

其日質明皇帝服鞞袍出內卽御座鳴鞭行門禁衛諸
班親從等諸司祇應人員以下於後殿各自贊起居次
從駕臣僚并應奉前導陪位官等先詣中殿立班如前
殿儀俟皇帝詣中殿御幄簾降閣門報班齊禮直官太

常博士引太常卿於御幄前俛伏跪奏稱太常卿臣某
言請皇帝行恭謝之禮奏訖伏興

奏禮畢
準此

簾卷太常卿

閣門官太常博士禮直官前導皇帝升詣殿上褥位西
向立太常卿奏請拜皇帝再拜贊者曰拜在位官皆拜
訖前導官前導皇帝詣宣祖皇帝位香案前褥位北向
立內侍奉香太常卿奏請上香再上香三上香內侍以
椀酒授侍臣侍臣西向跪以進又奏請皇帝跪奠椀酒
再奠酒三奠酒俛伏興又奏請拜皇帝再拜贊者曰拜
在位官皆再拜訖次詣太祖皇帝太宗皇帝眞宗皇帝
仁宗皇帝英宗皇帝神宗皇帝哲宗皇帝徽宗皇帝欽
宗皇帝神御香案前行禮竝如上儀訖前導官前導皇
帝還褥位西向立奏請拜皇帝再拜贊者曰拜在位官
皆再拜訖前導官導皇帝還御幄簾降太常卿奏禮畢
訖陪位行事前導應奉官以次退帝歸齋殿以俟還內
依已降指揮駕
回入祥曦殿門

文獻通考

卷九

宗廟

五

第二日

淳熙九年恭謝分作三日行禮內第二日詣後殿元天大聖后并昭憲皇后至

慈聖光獻皇后第三日詣後殿宣仁聖烈皇后以下神御

皇帝自內乘輦入櫺星門至齋殿降輦步至後殿東廡
御幄以俟詣元天大聖后次詣昭憲皇后孝明皇后懿
德皇后明德皇后元德皇后章穆皇后章獻明肅皇后

慈聖光獻皇后宣仁聖烈皇后欽聖憲肅皇后欽成皇后
欽慈皇后昭慈聖獻皇后昭懷皇后顯恭皇后顯肅

皇后顯仁皇后神御香案前行禮竝如前殿中殿之儀

太祖親享廟四 乾德元年十一月十五日 開寶元年十一月二十三日 四年十一月二十日

六日繫親郊朝廟 將幸西京行雩祀禮 開寶九年三月五日繫親告

太宗親享廟五 太平興國三年十一月十四日 六年十一月十六日 雍熙元年十一月二十日 淳化四年正月一日 至道二年正月九日

日繫親郊朝享

眞宗親享廟十二 咸平二年十一月六日 五年十一月十一日 景德二年十一月十一日

日天禧元年正月十日 三年十一月十八日 繫親享朝廟 大中祥符元年九月十日繫親告

將行封禪禮 十一月二十七日繫封禪禮成恭 三年十二月十一日繫親告 將祀汾陰 四

文獻通考

卷五

宗廟

三

年四月六日繫汾陰禮成親謁 五年閏十月七日繫聖祖降恭謁 六年十二月十五日繫親告

將謁太清宮 七年二月十五日繫東郊恭謝朝享

仁宗親享廟十三 天聖二年十一月十二日 五年十一月十六日 八年十一月十八日

景祐二年十一月十三日 寶元元年十一月十七日 慶歷元年十一月十九日 四年十一月二十四日 七年十一月十七日 皇祐五年十一月三日繫親郊朝享 皇祐二年九月二十

六日 嘉祐七年九月六日繫親祀明堂朝享 嘉祐四年十月十二日繫親行胎祭 天聖十年十一月十一日繫修大內恭謁

英宗親享廟一 治平二年十一月十五日繫親郊朝享

神宗親享廟六 熙寧元年十一月十七日 七年十一月二十四日 十年十一月二十六日

元豐六年十一月四日繫郊祀朝享 熙寧四年九月九日 元豐三年九月二十日祀明堂朝

年九月九日 元豐三年九月二十日祀明堂朝

享

哲宗親享廟五 元祐元年九月五日 元祐四年九月十三日 元祐七年十一月十二日

元符元年十一月十九日 繫祀明堂朝享 紹聖二年九月十八日 繫祀明堂朝享

徽宗親享廟九 建中靖國元年十一月二十二日 崇寧三年十一月二十五日 大觀四年十一月二日 政和三年十一月五日 六年十一月九日 宣和元年十一月十二日 四年十一月十四日 七年十一月十四日 繫冬祀朝享

大觀元年九月二十七日 繫郊祀朝享

高宗親享廟十 紹興七年九月二十一日 十年九月九日 並明堂享廟 十三 正月十一日 繫奉上帝徽號冊寶享廟 十一月十七日 十六年十一月九日 十九年十一月十三日 二十二年十一月十七日 二十五年十一月十八日 二十八年十一月二十二日 並繫親郊享廟 三十一年九月一日 繫明堂享廟

文獻通考 卷九 宗廟 享

孝宗親享廟十 紹興三十二年七月十四日 隆興二年十二月二十九日 乾道三年十一月一日 淳熙三年九月六日 九年十一月八日 淳熙五年九月二十二日 十一年九月二十二日 十五年九月二十二日

光宗親享廟二 淳熙十六年四月六日 紹興二十年十一月二十六日

寧宗親享廟八 慶元三年十一月壬寅 嘉泰三年十一月癸酉 開禧二年 嘉定五年十一月辛酉 八 年九月庚午 十一年九月庚辰 十四年九月庚寅

按古者宗廟之祭有正祭有告祭皆人主親行其禮正祭則時享禘祫是也告祭則國有大事告於宗廟是也自漢以來禮制墮廢郊廟之祭人主多

宗廟是也自漢以來禮制墮廢郊廟之祭人主多

不親行至唐中葉以後始定制於三歲一郊祀之時前二日朝享太廟次日方有事於南郊宋因其制於第一日朝享景靈宮第二日朝享太廟第三日於郊壇或明堂行禮國史所書親享太廟大率皆郊前之祭然此乃告祭禮所謂卜郊受命於祖廟作龜於禰宮所謂魯人將有事於上帝必先有事於泮宮是也若正祭則未嘗親行雖禘祫大禮亦命有司攝事累朝惟仁宗嘉祐四年十月親行祫祭禮一次而已蓋法駕屬車其鹵簿鄭重裸薦升降其禮節繁多故三歲享帝之時僅能

文獻通考

卷九

宗廟

三

舉一親祠然告祭之事亦有大於祀天者如卽位而告廟則自舜禹受終以至太甲之見祖成王之見廟皆是也雖西漢時人主每嗣位亦必有見高廟之禮而自唐以來則人主未嘗躬謁宗廟致祭以告嗣位宋朝惟孝宗光宗以親受內禪特行此禮而其他則皆以喪三年不祭之說爲拘不復舉行然自以日易月之制既定諒闇之禮廢久矣何獨於嗣位告祭一事以爲不可行乎慶元間李大性李謙所言可謂至論要之親享旣不能頻舉則合於禘祫大祀行之而嗣位告祭則亦必合親行

文獻通考
如卜郊之祭則三歲常行之事又只爲將有事於上帝而告白則本非宗廟之大祭有司攝事足矣

文獻通考

卷之九

宗廟

三

文獻通考卷之九十九終



07543



